

中華民國郵政特准掛號認爲新聞紙類

長沙中章印刷局代印

中華民國六年六月六日至十日

第三十二册

湖南政報

價目

- (一) 本報每月每份價洋八角
- (二) 外埠每月每份另加郵費二角
- (三) 零售每册一角四分

湖南政報處發行

● 目錄

命令

大總統令

大總統訓令

大總統指令

公電

去電二則

來電十二則

內務

省長公署咨省議會據警務處呈擬請按照奉吉等省成例增

收田賦內附加以充警察經費等情請公決由

省長公署令各官署嗣後各官署職員凡經懲戒委員會議決

受褫職處分者非滿二年不得錄用由

省長公署令省會警察廳據撫卹調查處呈請指定公地安葬

烈士等情即便會同官產清理處澈查附近有無相當官地

剋日呈覆由

省長公署令警務處據高等檢察廳呈請通令各屬禁止就民

刑狀紙項下附捐警費等情即便遵照辦理由

省長公署令水上警察廳據呈將緝土舞弊官警送交法庭並

繳還呈件等情准如所擬辦理由

省長公署令警務處據呈查復鄧丹等具控撫卹處總務科長

李達武侵蝕公款一案情形應准免予置議由

省長公署令未陽查緝所據呈煙案日少擬請歸知事專辦等

情應准如呈辦理由

教育

省長公署咨直隸省長據湖南省有鑛務總局呈北洋大學畢

業生潘孝恆請俟將來派遣學生出洋時再行核議等情請

查照令知由

省長公署咨湖北省長據工業專門學校呈該校擬於暑假期

內率同應化科學生至湖北各局廠參觀等情請察照分別

轉令知照由

省長公署咨教育部據高等師範學校呈該校學生黃元等願

於畢業後往新疆服務懇咨部指派等情請核復由

省長公署咨教育部據公立商業專門學校呈賣五年度下半

期職教員及轉學生附學生一覽表請察核見復由

省長公署咨教育部請分別郵寄常德七年份曆書由

省長公署咨教育部據羣治法政專校呈賣該校畢業生陳鵬

等試驗及格成績分數表冊請察核見復由

省長公署令委湯松赴日本及菲律賓濱等處調查實業教育狀

况由

省長公署令常德縣知事據該縣勸學所長呈關於常德地方教育各事項應即查照所舉各端妥議進行方法呈候核奪由

省長公署令桂東縣李氏私立乙種工業學校准教育部咨該校事項冊及職教員生表應准備案惟冊內所載學年始期及學期之分劃均屬不合請轉令查照部章辦理等因即便遵照由

省長公署令平江縣知事據第三區省視學呈該縣辦學人員應請分別獎懲等情即便遵令辦理由

省長公署令常德縣知事據該縣勸學所長呈賚諮詢事項答復書即便轉令遵照由

省長公署令靖縣知事據該縣勸學所長呈賚諮詢事項答復書應准備案即便轉令遵照由

省長公署令南縣知事據該縣勸學所長呈賚諮詢事項答復書應准試辦即便轉令遵照由

省長公署令旅鄂湖南中學校據公立工校呈擬於暑假內率本校學生至湖北各局廠參觀擬借用該校房屋作為學生寄宿之用等情即便知照由

省長公署令衡陽等縣知事據省立第三師範學校呈該校定

於本年暑假內添招預科兩班懇轉令考選學生咨送到校等情即便查照辦理由

省長公署令鳳凰縣知事據該縣勸學所長呈賚諮詢事項答復書應准照辦即便轉令遵照由

省長公署令古丈縣知事據該縣勸學所長呈賚諮詢事項答復書應准照辦即便轉令遵照由

省長公署令達材法政專核准教育部咨該校法律別科第七班生馬傳中等准予畢業惟許棗等三名與原冊不符請飭查復等因即便遵照由

省長公署令公立商業專門學校准教育部咨該校甲種商業本科乙班學生李超等修業期滿應准屆期舉行畢業試驗等因即便知照由

省長公署令公益甲種工業學校關於銀行收買該校房屋一案仍應遵前令辦理由

省長公署令東安縣知事據該縣勸學所所長呈賚諮詢事項答復書即便轉令遵照由

省長公署令省立第一女子師範學校准教育部咨該校師範本科第二第三兩班學生至本年六月修業期滿屆期應准舉行畢業惟各該生等入校年月至不齊一應飭明白聲敘再行核辦等因即便遵照由

○省長公署令藍山縣知事據第二區省視學呈報該縣教育情形並費報告書表即便遵令辦理由

省長公署令湘江道尹准教育部咨武岡縣立師範學校成立清冊應予備案等因即便轉令遵照由

省長公署令公立商業專核准教育部咨該校現有之甲種商業學生四班准仍以原定名稱畢業等因即便知照由

省長公署令湖南銀行匯寄北京大學湘籍學生本年上半期津貼由

省長公署令財政廳據長沙縣勸學所長呈費議決案關於擴充各縣教育經費方法案內各條應即核議呈候酌奪由

省長公署令湖南等銀行據公立商業專校呈該校第二班學生畢業後應分派練習等情即便遵照由

○省長公署令各道尹省視學知事學校准教育部咨各校校長不得兼充他項職務等因即便遵照由

省長公署令道縣知事據該縣勸學所長呈費諮詢事項答覆書即便轉令遵照由

省長公署令郴縣知事准教育部咨該縣濂溪女子師範學校週年概況報告書及職教員一覽表應准備案等因即便轉

飭知照由
省長公署令各縣知事准教育部咨請通令各縣早日匯解七

年歷書書價等因即便遵照由

省長公署令常德縣立女子師範學准教育部咨該校事項清冊及管理教員學生一覽各表應准備案等因即便知照由

○省長公署令各道尹知事關於本屆湖南各縣勸學所所長會議各項議決案即便轉飭遵照辦理由

省長公署令省立第一女子師範學校據呈學生修業期滿請舉行畢業試驗發給證書等情應予照准由

省長公署令安鄉縣知事據呈費高小學校報告表暫准備案由

省長公署令郴縣知事據呈費縣立師範講習所學生一覽成績各表即便轉飭該所將教授與批評案迅速補費由

省長公署令省立第二甲種農業學校籌備員據呈籌備事項辦理就緒並假報恩寺東林為臨時校舍等情應予照准由

省長公署令省立第二甲種農業學校籌備員據呈該校兩場分別播種及墾地整理情形應准如呈備案由

省長公署令新田縣知事據呈費高小校學生履歷成績表懇核准畢業等情礙難照准由

省長公署令茶陵縣知事據呈費縣立高小校職教員生一覽表應准備案由

省長公署令永興縣知事據呈費縣立師範講習所畢業生履

歷表應即轉飭更正並將教授及批評案補費由

省長公署令益陽縣知事據呈費高等小學報告等表暫准備

案由

省長公署令江華縣知事據呈各學校承領官荒種樹情形應

即另造表式補呈核奪由

省長公署令湘江道尹據呈查明第十三聯合中學生漏列表

冊一節著即轉令將唐楚英成績分數並該班所有各項表

簿費呈核辦由

省長公署令衡陽道尹據呈第五聯合中校更正學生各班次

名稱等情應即轉令該校查照前令辦理由

省長公署令麻陽縣知事據呈復調查五區學警款項情形即

便遵照令辦理由

省長公署令撫卹調查處據呈李翼寰遺失文憑懇咨部備案

等情應由該生逕向該原校請求將在學各證據費署核辦

由

省長公署令臨湘縣知事據呈費高小校學生履歷畢業成績

報告各表暫准變通備案由

省長公署令各縣勸學所長關於議決各案分別施行辦法即

便遵照由

省長公署令武岡縣知事據呈費私立羣賢國民學校高小校

職教員生一覽表應准備案由

省長公署令永綏縣知事據呈費圖表仰即積極進行以圖發

展由

省長公署令衡陽道尹據呈查復桂陽縣官紳互詰一案應均

免于置議由

省長公署令保靖縣知事據呈答復書應分別准予照辦由

省長公署令省立第二甲種工業學校籌備員據呈將前呈建

築工場聘請工程師合同所訂之報酬費妥商酌減等情應

予照准由

省長公署令辰沅道尹據呈費永綏縣立第一高小校三年級

生一覽成績各表暫予變通准其備案由

省長公署令留日經理員據呈請優給陳瑾昆學費等情應准

給予旅費一百元由

省長公署令道縣知事據呈學款糶米小水木捐交紳保存未

能解決請核示等情即便遵令辦理由

省長公署令批一件

實業

省長公署咨省議會據財政廳呈對於各實業公司收回公股

一案分別遵辦情形請查照由

省長公署令水利分局據華容縣知事呈據業戶王鎮嵩等稟

稱違案築河以障為察懇轉詳飭創等情即便會同南華兩縣查勘具復由

省長公署令水利分局據沅江縣模範桑園籌備員呈接收金

沅江知事

益北洲第一二段溢畝官荒情形即便分別遵令辦理詳明

具復由

省長公署令湘江道尹據水利分局及湘陰縣會呈會驗樂民

坑契據劉清安等確係多數並據李維藩等呈杜法朦稟懇

再派員查明等情即便親往湘陰復加查驗擬定修坑章程

連同各戶清冊呈報查核由

省長公署令模範勸工場發交部頒權度標準器即便查收陳

列以備觀覽由

省長公署令綏甯縣知事據礦務總局呈收買福利公司銅鑛

鑛鑛情形即便遵令辦理由

省長公署令各縣知事檢發公立茶業講習所簡章即便查照

考取學生送所復試由

省長公署令財政廳據第一紗廠工程籌備處呈該處工程未

竣經費不敷懇請加撥的款以資接濟等情即便遵照先發

十萬元由

省長公署令湘江道尹據劉文煜等呈名譽收關事權不一懇

核究等情即便查照前令各令妥速遵辦呈報核奪由

省長公署令礦務總局據委員陳繼良呈實考察漢陽鐵廠報

告書即便查照由

省長公署令保靖縣商會據呈上年各業盈虧情形說明書准

彙核酌辦由

省長公署令財政廳據呈復劉典欽呈案懸礦擱一案即便遵

令辦理由

省長公署令醴陵縣知事據呈查明王昌政等懇修復法高壩

一案並擬辦情形應予照准由

省長公署令東安縣知事據呈縣城商務較繁且距蘆洪寫遠

懇請設立商會等情仰將兩商會章程各繕二份覆署核咨

由

省長公署令高等師範學校據呈前農林傳習所設置情形無

從查考又並未接收該所器具等情仰再切實查復由

省長公署令黔陽縣商會據呈覽上年各行業盈虧表暨本年

三四月百貨時價表准彙核酌辦由

省長公署令茶陵縣商會據呈覽四月份百貨時價表仍仰廣

續造報由

省長公署批一件

湖南各縣錢業調查表暨銀行一覽表

長沙關輸出物品報告表

司法

省長公署令辰沅道尹據呈查復正江縣民彭國鈞呈控知事及隊長索賄一案情形應無庸置議惟該知事失察隊長詐

財著予記過一次由

高檢廳令長沙常德地檢廳據澧縣知事呈報該縣監犯劉麻

子等七名反獄脫逃等情即便查照協緝務獲解究由

高審檢廳令兼理司法各縣知事煙案罰金在已派司法收費

書記官各縣應即責成一併經收由

高審廳民刑庭公開及書面審理案件日時通告

財政

省長公署令各道尹 印花稅分處 總商會鈔發部定公司

股票貼用印花切實推行辦法即便轉知各公司遵照由

財政廳令各釐局寶慶關遇有丹陽信城永協記肥皂廠機製

各種肥皂經過查驗單貨相符即予免釐放行由

財政廳令各釐局寶慶關遇有上海富華皂廠機製各種肥皂

經過查驗單貨相符即予免釐放行由

命令

◎大總統令

梅馨汪麟章曹樹桐均給予二等文虎章此令(五月二十七日)
 特任李經羲為國務總理此令(五月二十八日)
 特授馬安良以勳四位此令(五月二十八日)
 特授馬麒以勳五位此令(五月二十八日)
 張澆授為陸軍步兵上校此令(五月二十八日)
 陸軍部呈請將蔣隆權譚鴻鑿加陸軍步兵上校銜蕭述經授為
 陸軍步兵中校並加陸軍步兵上校銜朱昭加陸軍砲兵上校銜
 彭柱生鮑錫光楊藩梁應麟傅懿楊洪圖洪本相張振武均授為
 陸軍步兵中校張自雄胡藩甲陳藩均授為陸軍騎兵中校戴敦
 漢授為陸軍砲兵中校王芄森張漢濤熊致恭黃偕黎樹橙陳志
 壯蕭舉規歐陽堃任傑廖模許龐向明瑞陳濟時均授為陸軍步
 兵少校應照准此令(五月二十八日)
 任命吳思豫為寧台鎮守使署參謀長此令(五月二十八日)
 陸軍部呈請任命蕭望歲為潮梅鎮守使署副官長此令(五月
 二十八日)
 署交通次長代理部務權量呈簽事胡煥華聲名狼籍請予免職
 胡煥華著即免職此令(五月二十八日)

命令

王遇甲給予二等文虎章龔光明給予三等文虎章此令(五月
 二十八日)
 龔士材給予四等嘉禾章此令(五月二十八日)
 周淦授為海軍上校此令(五月二十九日)
 海軍總長程璧光呈請授王考鳴黎識張瑞圖為海軍少校曹汝
 川為海軍輪機少校陳燦為海軍軍醫中監李寶符程彥農莫嵩
 福劉斷為海軍軍需少監應照准此令(五月二十九日)
 署交通次長代理部務權量呈秘書程繼元袁青選署秘書胡韞
 玉呈請免職等語程繼元袁青選胡韞玉均准免本職此令(五
 月二十九日)
 江蘇省長齊耀琳呈請任命詹亮疇為金山縣知事張光鼎為崑
 山縣知事葉樹維試署南匯縣知事沈德其試署金壇縣知事甘
 常慈試署蕭縣知事杜福堃試署川沙縣知事應照准此令(五
 月二十九日)
 傅宗耀羅鴻年給予三等嘉禾章此令(五月二十九日)
 易景被楊華袞均晉給四等嘉禾章此令(五月二十九日)
 參謀總長王士珍呈請任命葛潤琴署陸軍第九師一等參謀官
 李師聲為二等參謀官應照准此令(五月三十日)
 參謀總長王士珍呈請任命趙錫福為陸軍第二十七師一等參
 謀官應照准此令(五月三十日)

李慶璋給予二等寶光嘉禾章此令(五月三十日)

萬綢斌孫多祺均給予二等大綬嘉禾章此令(五月三十日)

署財政次長代理部務李思浩呈請任命朱鍾琦為兩浙玉泉場

知事徐兆熊為東江場知事曹毓齡試署袁浦場知事趙沅試署

黃澗場知事廖敦五試署雙穗場知事鄭驥試署長亭場知事胡

在儒試署金山場知事高檀試署三江場知事邊嘉靖試署大嵩

場知事顧柏年試署仁和場知事林步瀛試署黃巖場知事史致

鈞試署蘆瀝場知事秦中行試署下砂場知事施經杰試署長林

場知事應照准此令(五月三十一日)

署財政次長代理部務李思浩呈請任命許鳳文為兩淮草堰場

知事應照准此令(五月三十一日)

陸軍次長代理部務張士鈺呈請將王濤加陸軍步兵上校銜唐

經炯授為陸軍步兵少校並加陸軍步兵中校銜應照准此令(

五月三十一日)

陸軍次長代理部務張士鈺呈請授蘇治隆為陸軍步兵中校廖

韶光黃培元為陸軍步兵少校應照准此令(五月三十一日)

◎大總統訓令

大總統訓令第六十四號

令文官高等懲戒委員會委員長

據陝西省長李根源呈前柘縣知事溫朝鈞攜印捲逃虧挪公款

請交付懲戒等語合亟令仰該會依法懲戒此令(五月二十八日)

大總統訓令第六十五號

令文官高等懲戒委員會委員長

據署廣西省長劉承恩呈署隆山縣知事康和聲貪劣不職請予交付懲戒等語康和聲著交該會從嚴議處此令(五月二十九日)

大總統訓令第六十六號

令文官高等懲戒委員會委員長

據福建省長胡瑞霖呈請將疏附監犯之海澄縣知事歐陽蕃交付懲戒等語歐陽蕃交該會依法懲戒此令(五月三十日)

大總統訓令第六十七號

令文官高等懲戒委員會委員長

內務財政兩部呈核議熱河民國三年分徵收田賦考成所有督徵之熱河財政分廳廳長王得庚熱河道道尹戚朝卿經徵之建平縣知事高鴻飛隆化縣知事羅則述豐寧縣知事倪瑞芝平泉縣知事褚德順均著交文官高等懲戒委員會依法懲戒此令(

五月三十一日)

大總統訓令第六十八號

令文官高等懲戒委員會委員長

內務財政兩部呈核議甘肅省三年分徵收田賦考成所有經徵之環縣知事徐宗鐸崇信縣知事高鏡寰前任寧夏縣知事張黎寧夏縣知事鍾文海寧朔縣知事張風瀛武威縣知事張紹烈合水縣知事韓謙均著交文官高等懲戒委員會依法懲戒此令（五月三十一日）

◎大總統指令

大總統指令第九百五十八號

令陸軍次長代理部務張士鈺

呈核前湘西宣撫使熊希齡請獎救濟會出力各員勳章由

呈悉梅馨等已有令給章盧金山著即傳令嘉獎劉承瑞給予六

等六等文虎章此令（五月二十七日）

大總統指令第九百五十九號

令山西省長孫發緒

呈分發山西任用縣知事王士榮等到省一年期滿照章甄別

暨應免甄別人員王鍾仁等繕摺呈鑒由

呈悉交內務部查照此令（五月二十七日）

大總統指令第九百六十一號

令代理國務總理伍廷芳

呈核議湖南省長保薦人才請准以薦任職分發任用由

呈悉寧天祐准以薦任職分發任用此令（五月二十八日）

大總統指令第九百六十二號

令陸軍次長代理部務張士鈺

呈核湖南督軍請獎擁護共和各參謀人員分別補官加銜由

呈悉張澁蔣隆權等已有令明發何錦等准如所擬補官加銜此

令（五月二十八日）

大總統指令第九百六十三號

令陸軍次長代理部務張士鈺

呈航空學校學員白永魁飛行殞命擬請優卹由

呈悉准知所擬給卹此令（五月二十八日）

大總統指令第九百六十四號

令代理院務蒙藏院副總裁熙彥

呈請以搭旺車林承襲阿拉善旗鎮國公由

呈悉應即照准此令（五月二十八日）

大總統指令第九百六十五號

令暫代國務總理伍廷芳

呈核議內務總長咨請改獎胡傳雲等勳章由

呈悉易景被楊華袞已有令明發周介禔著傳令嘉獎胡傳雲等

均准如所擬給章此令（五月二十九日）

大總統指令第九百六十六號

令暫代國務總理伍廷芳

呈核中國銀行人員給獎由

呈悉傅宗耀等已有令明發員補詔周超給予五等嘉禾章此令
(五月二十九日)

大總統指令第九百六十七號

令暫代國務總理伍廷芳

呈請晉給衛隊長勳章由

呈悉白家駿著晉給七等嘉禾章此令(五月二十九日)

大總統指令第九百六十八號

令兼署內務總長范源廉

呈遵核前陝西省長陳樹藩呈請開復前職紫陽縣知事劉
式金等一案分別准駁由

呈悉准如所擬辦理即由該部轉行遵照此令(五月二十九日)

大總統指令第九百六十九號

令兼署內務總長范源廉

呈奉天省會警察廳署長劉東藩積勞病故擬照章給卹由

呈悉准如所擬給卹此令(五月二十九日)

大總統指令第九百七十號

令兼署內務總長范源廉

司法總長張耀曾

呈核前代理雲南廣西縣知事梁豫金質棠蔭章由

呈悉梁豫准給金質棠蔭章此令(五月二十九日)

大總統指令第九百七十一號

令代理部務署財政次長兼署鹽務署署長李

思浩

呈分發長蘆場知事郭曾鈞等期滿甄別由

呈悉郭曾鈞等准其留省補用此令(五月二十九日)

大總統指令第九百七十二號

令海軍總長程璧光

呈本部所屬機關勞績人員擬請分別授官給章由

呈悉周淦王考鳴等已有令明發葉樹榮龍榮軒等准如所擬分
別授官給章此令(五月二十九日)

大總統指令第九百七十三號

令暫代國務總理伍廷芳

呈請將裁缺國史館秘書纂修陳嘉言等分別存記分發由

呈悉陳嘉言閻普通武會廣鈞左紹佐陳慶慈許鄧起樞楊增榮

景稷湯用彬等准均以簡任職存記胡元玉准以薦任職分發任

用此令(五月三十日)

大總統指令第九百七十四號

令暫代國務總理伍廷芳

呈秘書廳主事呂宗周樊秉謙陳衡陽潘之瑞四員著有成勞

擬請以薦任文職升用由

呈悉宗周等均准以薦任文職升用此令(五月三十日)

大總統指令第九百七十五號

令兼署內務總長范源廉

呈查明直隸署獻縣知事章燕被揭貪婪不職情形請先予褫

職交直隸省長從嚴究辦由

呈悉准如所擬辦理即由該部轉行遵照此令(五月三十日)

大總統指令第九百七十六號

令兼署內務總長范源廉

呈新疆阿克蘇道道尹樊耀南因母疾未愈請續假兩月由

呈悉應准續假兩月此令(五月三十日)

大總統指令第九百七十七號

令財政次長代理部務李思浩

呈報五年公債募集數目暨結束情形並擬將內國公債局暫

行裁併本部辦理由

呈悉准如所擬辦理此令(五月三十日)

大總統指令第九百七十八號

令陸軍次長代理部務張士鈺

呈擬請銷多防賑撫被難蒙民用款由

呈悉准予支銷此令(五月三十日)

命 令

大總統指令第九百七十九號

令陸軍次長代理部務張士鈺

呈擬請銷吉林赴滇游擊隊由川旋吉臨時支用各款由

呈悉准予支銷此令(五月三十日)

大總統指令第九百八十號

令兼署內務總長范源廉

財政次長代理部務李思浩

呈核議熱河民國三年分徵收田賦考成由

呈悉准如所議辦理此令(五月三十一日)

大總統指令第九百八十一號

令兼署內務總長范源廉

財政次長代理部務李思浩

呈核議甘肅省三年分徵收田賦考成由

呈悉准如所議辦理此令(五月三十一日)

大總統指令第九百八十二號

令兼署內務總長范源廉

財政次長代理部務李思浩

呈為核議新疆省民國三年分徵收田賦考成由

呈悉准如所擬辦理此令(五月三十一日)

大總統指令第九百八十三號

令署財政次長代理部務李思浩

呈廣東官產處及士敏土廠擬請分別派員辦理由

呈悉何國圻孫嘉榮均准如所擬分別派充此令（五月三十一日）

大總統指令第九百八十四號

令陸軍次長代理部務張士鈺

呈核擬請給曹符瑞等勳獎章由

呈悉曹符瑞等准如所擬分別給予勳獎各章此令（五月三十一日）

大總統指令第九百八十五號

令陸軍次長代理部務張士鈺

呈核直隸督軍曹錕咨請將王澤宣等分別獎敘擬請准予加銜補官由

呈悉王澤宣等准如所擬分別加銜補官此令（五月三十一日）

大總統指令第九百八十六號

令陸軍次長代理部務張士鈺

呈核廣東瓊崖鎮守使署官佐分別補官由

呈悉蘇治隆等已有令明發餘准如所擬補官此令（五月三十一日）

大總統指令第九百八十七號

令署交通次長代理部務權景

呈請將僉事劉景山張鑄進敘官等由

呈悉劉景山張鑄均准進敘四等此令（五月三十一日）

公電

◎長沙去電 六月一日

各鎮守使總兵道尹守備隊司令縣知事邇來以總揆免職國會制憲問題安徽倪省長首先宣告獨立豫魯陝浙等省繼起本省長兼督軍以事關大局經電請馮副座及各督軍省長解釋調停湘省兵燹之餘元氣凋敝內顧現情博訪輿論惟有保境息民勉維秩序萬不宜輕率左右再增人民痛苦各鎮守使總兵道尹司令知事同負保全治安責任務各督屬照常勤慎從公毋得稍涉驚擾匪徒為害地方尤宜密緝嚴懲倘有不逞之徒假借名義私行招募准即就地正法以靖亂源並佈告人民知照省長兼督軍譚東印

◎北京去電 六月二日

北京財政總長陸家巷官地為省立甲種工校出入要道若該地主權他屬該校交通即因之阻塞前咨未邀允准當緣此中委曲未盡縷陳之故延闔為維持實業教育起見用特電陳伏懇大部俯允撥官地撥給官校之例將姚家巷官地全部撥歸該校管轄以公濟公似無不合急盼復譚延闔冬印

◎北京來電 六月一日

長沙省長陸榮廷電悉借蘆鹽運於淮南北銷定案極有空礙未能

遞副遵囑抱歉實深惟湘岸需鹽孔亟應飭設法趕運濟銷以顧民食已電淮運使速籌辦理矣鹽務署卅一印

◎北京來電 六月二日

長沙督軍省長省議會均鑒本月一日准前議長湯化龍函請辭職經院議許可當依國法組織法第六條之規定於本日開會重行選舉議長出席議員三百四十一人吳景濂得票二百五十七當選為本院議長即於本日接用院印除咨報大總統轉行知照外特此通電衆議院卅一印

◎北京來電 六月二日

長沙譚省長鑒有電悉林務專員對於道縣行文應依公文程式第二條第五第六第七第九等項辦理請飭遵農商部東印

◎西安來電 六月二日

南京馮副總統鈞鑒徐州南寧巡閱使各省督軍省長承德歸化張家口都統龍華寧夏護軍使並轉各鎮守使均鑒根源感受時症頗重不能治事地方重要所有省長職務即日交與政務廳長李夢彪護理除電呈大總統國務院外合行電達李根源卅一印

◎西安來電 六月四日

各省督軍省長徐州南寧巡閱使熱河歸化張家口都統寧夏龍華護軍使各鎮守使公鑒李省長卅一電諒達典籤夢彪即於六月一日視事謹聞李夢彪東印

◎張家口來電六月四日

各省督軍省長鑒玉在京參與軍事會議於五月十九日請假回籍視察二十八日回署特聞田中玉卅一印

◎南京來電六月四日

徐州南寧巡閱使各省督軍省長瓊州龍督辦承德歸化張家口各都統龍華寧夏護軍使公鑒國璋於四月卅日以病軀醫治未痊續電乞奉大總統電准假一月等因遵即延醫審脈立方定量藥物加以逐日習靜之功所患苦者幸已十去七八刻值政局變遷內外糾紛益甚此身既已許國暇逸實有未安業於本月一日力疾銷假視事本屏屏以強相措挂冀毫髮俾裨於國家除分電呈報外特此布聞國璋東印

◎天津來電六月四日

南京馮副總統各省督軍省長省議會均鑒本日化龍國祥提出辭職書於衆議院文曰自共和回復國會重開化龍國祥後幾前所夕惶惶以憲政初基須運以調和之精神求徐納諸正軌數月以來對於政府對於各派知友苦心調節智慮俱殫不幸事與願違以一部操切之心理演成今日轆軋之危局痛心失望至茲已極既而突徙薪之失諒復亡羊補牢之無術惟有懇辭議員之職伏希公決允許為幸等語當經大會變更議事日程對於化龍辭職公決允准國祥亦自茲離衆議院不負責任特聞湯化龍

陳國祥卅一印

◎上海來電六月五日

長沙督軍省長商會鑒改革六年紛擾四次人民竭其脂膏原以衛國今交通阻絕金融恐慌民不聊生危險萬狀况旱象已見隱憂孔多各軍長素明大義斷不至此必有陰謀權利之人釀成此禍務乞推誠布公速弭禍患迫切上陳上海總商會縣商會冬電

◎郴州來電六月五日

長沙省長兼督軍財政廳長高等審檢廳長警務處長鈞鑒知事冬日接印任事除另呈外謹聞宜章知事會志清叩江印

◎益州來電六月五日

長沙督軍省長財政廳長鈞鑒知事到任後迭據各界紳民陳元章饒德榮等以龍邑自上年變亂後連遭匪擾破產喪身不知凡幾約略調查被匪抄搶燒殺淫擄捉搵者數千戶全村被燬者數十處損失貨財百餘萬衣食無資棚息無所困苦情形已達極點加以冰雹相乘秋收歉薄天災匪禍饑饉兼臻滿意匪亂削平漸圖培養詎今二月復遭匪變受害更深以烽火之餘生遭頻年之蹂躪流離顛沛慘狀難言現正青黃不接民苦無力耕種田地荒蕪糧價陡漲荒象已形雖蒙湘西撫卹處派員來縣撫卹因杯水車薪莫能普及哀鴻遍野待哺孔殷懇請款數萬元趕辦賑濟藉延殘喘等情乞為轉呈知事查龍邑此次橫遭浩劫既久且鉅

村舍邱墟農時曠廢財產灰燼人口離散受害實較永柔等縣爲尤烈知事入境時沿途身歷目擊確係實情視此嗷嗷殊堪憫惻抑更有進者現值川氛不靖邊境戒嚴號此多數災民若不設法救濟老弱者溝壑堪憐強黠者不逞可慮再四躊躇舍賑無策明知庫藏奇絀未便輕言請款然民命攸關安危所繫何敢率於上聞合先仰懇逾格恩施准發特別賑銀一萬元電飭辰行撥給知事遴員會紳分途賑放一面仍勸導紳商陸續接賑以期普及而固邊圉事竣核實造報臨電屏營不勝迫切待命龍山知事陳澹

範印

◎洪江來電六月六日

長沙省長鈞鑒冬日晚九時大雨傾盆河水陡漲三丈餘高沿城一帶盡成澤國哀此編氓其何以堪除暫設法賑濟並另呈詳情外謹電聞請知事梅尉南叩汪印



內 務

●湖南省長公署咨 省議會

為咨請公決事案據湖南全省警務處處長林支宇呈稱竊職處前此遵照指令分期籌辦各縣警察業將第一期辦法應需補助經費編列預算冊費呈在案惟合計全省固有警款極少必需之經費過巨湖南財力薄弱鈞署即查照 部章加列預算以資補助亦必倍形支絀而警察一日無款一日即不能進行欲求根本解決舍另行籌定各縣地方經常警費別無良策籌款之法不一職處再四思維與其枝節圖維所獲無幾不如平均擔負量出為入可收一勞永逸之功擬請援照江西奉吉黑等省成例各縣警費概於田賦內附加責成知事統收彙解既免苛細設捐亦可挹注分配循此策進成效可期惟案關增加人民負擔是否有當理合擬具議案編製預算清冊具文呈請察核咨交省議會決奪深為公便等情並賚送議案清摺及預算表到署查原呈湘省財政支絀即分期籌備此項警款猶苦無從湊辦原呈所稱自係實情惟請援照奉吉成例增收田賦附加案關增加人民負擔除指令外相應檢同原賚清摺預算表咨請 貴會煩為公決此咨（五月三十一日）

●湖南省長公署令各廳署處局

各 知事

內 務

案查湘省文官普通懲戒委員會改組成立當經開具各委員銜名修正規則分別咨呈去後業於三月十三日奉 大總統指令呈悉准如所擬辦理此令等因奉此并即通令所屬各廳署處局一體遵照在案惟查文官懲戒法草案第六條有受褫職處分者自處分之日起非經過二年不得復任之明文嗣後各官署職員由該管長官呈請交付懲戒經委員會議決受褫職處分者自本署公布之日起非滿二年以上無論何種官署均不得錄用該員以肅官箴而符法紀合亟令行該 仰即遵照切切此令（五月三十一日）

●湖南省長公署令省會警察廳

案據湖南撫卹調查處處長龍璋等呈稱案據前國事同難會函送現厝省城瀏陽門外烈士遺骸姓名表一份請予撥款安葬以慰忠魂等情昨經交付本處審查會議會以此等遺骸暴露荒郊極為可慘急應擇地封樹以崇勳烈而召來茲比經議決除有遺族認領自願回籍安葬者外其餘擬即共築一墓圍蒔花木樹以豐碑列記姓名以垂不朽所需費用即由遷葬費項下開支惟此項墓地若由本處擅行擇定恐於地方行政或有妨礙究以何處公地為宜應請鈞署指定等情除指令呈悉仰候令行警察廳會同官產清理處查核酌定呈覆到署再行令知該處遵照可也此令印發外合亟令仰該廳長迅即會同官產清理處澈查附近有

無相當官地剋日具覆以憑轉飭遵照該處調查告終收束在即毋稍稽延切切此令(六月二日)

●湖南省長公署令全省警務處

案據高等檢察廳長凌士鈞呈稱呈為黔陽縣請在民刑狀紙項下附捐警費一案核與定案不符仰懇察核禁止事案據黔陽縣知事羅輔國呈稱竊查屬縣警察向無的款前經全體紳民議決由訴訟人捐費開辦如有不足由地方款津貼其辦法不分民刑新舊每詞一件附捐警費錢四百文自清季以迄於今歷收無異知事到任後曾於警察表內說明照依前任成規辦理惟屬縣自經費之後文卷散失從前立案緣由渺不可考現當整理司法整頓警察固為要圖訴訟樂輸此項經費向無異言舍此別無良策惟收費已立專官此項附捐四百之數或由書記官代收或由收狀員照收庶專責成而維警政理合備文呈請察核立案批示祇遵除呈省長外謹呈等情據此查部頒狀紙均經按種定有價值嗣以湘省司法經費無著於三年八月間復經前巡按使擬定將民事訴狀及辯訴狀每紙加收錢二千文以資彌補各訴訟人已屬負擔過重曾經職檢察長會商高等審判廳設法減輕改為各狀均照定價加收一倍以昭平允而恤民艱業已呈奉鈞署轉咨 司法部核准並定於本年六月一日起實行通令各屬一體

遵照在案乃該縣不按定章另立名目率請附捐警費不惟無此辦法而且警察係屬於行政範圍所需經費當然須由地方經費內籌給何得取之於訴訟人民性質既不相合於定章又復背謬縱使建議係屬縣紳在該知事亦正宜明白曉諭豈得茫無感覺人云亦云未免不明事理至稱該知事係依照前任成規辦理一節復查職廳檔卷並未據呈准備案究竟該歷任知事有無此項違法收費舉動亦應由該知事查明所請重新立案之處礙難照准惟據呈稱業經呈請鈞署有案除由職廳指令外理合呈請鈞署察核一面並俯賜通令各縣知事一體遵照如有前項濫收情事均須一律嚴令禁止庶維定案而免累民實為公便等情據此查此案前據黔陽縣知事呈同前情到署當經分行該處查核飭遵在案茲據該廳長呈稱各節除指令呈悉候令行警務處轉飭該知事遵照並由該處通飭各縣一體知悉此令等因印發外合亟令仰該處即便遵照辦理此令(六月四日)

●湖南省長公署令水上警察廳

呈遵飭將緝土舞弊官警送交法庭並繳還呈件由呈及繳件均悉准如所擬辦理仰即知照繳件存此令(六月一日)

附原呈

呈為遵飭將緝土舞弊官警送交法庭并繳還呈件仰祈 鑒

核事案奉 鈞署內字第二六六七號訓令內開案據水警第二專署長楊玉生呈明第七分署長袁兆熊解緝偽土查訊舞弊情形請予核辦等情一案並粘供單到署據此除指令呈悉已革巡警王錫恩羅鈺清羅玉霖田鈺清陳秀周等共同擊獲煙土匿多報少意圖販賣造意者雖係王錫恩一人羅鈺清等知情而復得贓即爲此案共犯袁分署長以其不知法令爲犯罪尙未成立力主開釋是否有意縱逃希免牽供一切不無可疑所收之土久不報解所解之土又係贗品且實數祇四百三十兩該分署長前經呈明後竟多出六十兩顯係曾經換換衡量失真查核前後呈詞尤多刺謬違法舞弊已足證實若非分別嚴懲何以儆貪儆而肅煙政仰候令行水警廳即將該分署長先行撤差連同已革巡警羅鈺清及携土歸家已革段長何祖鵬一併送交法庭訊辦王錫恩羅鈺清羅玉霖田鈺清陳秀周脫逃未便任其漏網並候通飭嚴緝務獲訊究可也此令等因印發外合亟檢同原呈及所粘供單令仰該廳即便遵照辦理並將辦理情形具覆候奪發交之原呈原件即隨文繳還備案切切此令等因並令發原呈及供單各二件到廳奉此查該專署長呈繳之料土及呈件已於本月四號到廳因該專署業已逕呈鈞署應候指令辦理未便重複轉呈茲奉前因遵即轉飭該專署長迅將已撤七分署署長袁兆熊已革段長何祖鵬巡警

內 務

羅鈺清三名押解來廳以便檢同呈件及料土併送法庭訊辦至在逃之巡警王錫恩羅鈺霖田鈺清陳秀周四名應候 鈞署通令嚴緝並分飭廳屬一體協擊以免漏網惟查本案發生之始原在五年十二月內七分署於本年一月呈報該專署該專署於三月十二日始電告職廳遲至五月初方將詳情及料土轉呈到廳該專署長既不能臨時指示機宜早提案內要犯訊究致令久拘屬署在押逃脫復任聽已撤署長袁兆熊藉口冬防將擊獲煙土久不報解以致隱匿換換弊竇叢出亦難辭應玩疏虞之咎應嚴限責令該專署長督率所屬加緊緝緝務將逃警王錫恩等四名全數捕獲解送歸案併究以期訊取確供除飭知外理合將辦理情形備文具覆並將奉發原呈原件呈繳仰祈 鈞署察奪並候指令祇遵謹呈

●湖南省長公署令全省警務處

呈查復劉丹等控撫卹處總務科科長李達武侵蝕公款一案情形由

呈悉該劉丹等呈控撫卹調查處總務科科長李達武侵蝕公款一案茲據該廳委員逐一查明多屬子虛應准免予置議此令（六月一日）

附原呈

呈爲遵令查復劉丹等呈控撫卹調查處總務科科長李達武

侵蝕公款一案仰祈 鑒核事案奉 鈞署訓令內字第二五九二號內開案據人民劉丹等呈控撫卹調查處總務科科长李達武侵蝕冒濫假公濟私公懇派員查究前來除批示呈悉仰候委員查明核辦可也此批掛發外合函鈔發原呈令仰該處長澈底查究據實呈復以憑核辦毋得隱飾切切此令等因奉此遵即遴派職處司法科長秦家駿行政科長謝功雖澈查去後茲據呈稱奉發 省長公署內字第二五九二號訓令據人民劉丹等呈控撫卹調查處總務科科长李達武侵蝕冒濫假公濟私公懇派員查究一案遵即分赴原控所指各處詳晰暗查並於本月十六號同赴撫卹調查處調集冊據逐項鈎稽謹將情形分陳於後

第一條所控各節查撫卹調查處委任一二三等各科員前經正副處長磋商決定以三百六十二名爲限惟時正值陰歷年終審查會並未成立各部分首領節續要求紛至沓來甚有欄輿質問統乘迫脅情事祇得增加至六百八十五名除取消九名並駐處各職員不計外實祇六百零三名又原控稱名存而人已去者有之一人而兼報數名者有之按之事實則誠有之然究非弊端可比蓋因本人不在省城或託人代領或則首領爲之代報代領至今春驟增至二千餘人則因各處聞風紛紛趕赴省城揆之歷年奔走起義人數至少當在數萬若輩既

有首領爲之證明復有成績可資參考本難一概抹却奈公款有限又不得不嚴爲限制是以正副處長各部首領一再協商無論如何決定以二千二百名爲滿額比時葛李兩副處長尙仍堅持前議後又經審查大會會議以迫於事勢復增加一百八十名並前共二千三百八十名此固辦事者無可如何之苦衷亦即招尤招怨之大遠因也至稱胡左峯所報三十餘人實祇十餘人又查原控第四條有胡左峯取銀四百兩以十人報銷之等語查胡左峯開報確有三十餘人由該處核減祇發十人此亦見該處辦事認真之一斑至謂不俟審查確實則當決議二千二百名之時審查會尙未成立又謂任意妄發委任狀則各委任狀均由正副處長署名蓋章此查復第一條所控各節之實在情形也

第二條所控各項如開辦時請領公帑聞已發銀元九千元等語查該處成立僅領開辦經費洋一千元又預支二三月月份經常費共六千元實祇共領洋七千元計發去費遺洋四千九百二十元實存洋二千零八十元又領撥復慶祥罰款銀十一萬兩計發去資遺銀八萬六千八百九十五兩又一二月經常費及開辦費共洋七千元止扣銀一萬八千二百兩遷棺費三千八百四十六兩五錢九分實存銀一千零五十八兩四錢一分查資遺一項榜示人數共計二千二百八十四名內分五項

第一項駐處各職員七十名（如總務科長員及文牘會計庶務交際之類）第二項名譽職員三十五人第三項一等調查三百十七名第四項二等調查七百零四名第五項三等調查一千一百五十八名除駐處職員及名譽職員一百零五名外庸費遣外實祇二千一百七十九名所餘二十一名比經開會由各首領要求處長於各該部分內圈委一二人以補足之現有榜稿及底冊可查又查費遣銀數內分四項第一項有委狀領銀四十兩者一千五百八十五名發銀六萬三千四百兩有委狀領銀二十三兩者六百十五名（以上六百十五名因以前每名領過洋八元折扣紙銀十七兩）發銀一萬四千一百四十五兩第三項無委狀領銀四十兩者一百八十名發銀七千二百兩第四項外省人十六名（一）朱旭東前領銀四十兩後領銀二百八十三兩又找銀十七兩共三百四十四兩此由廖湘雲證明龍處長核准（二）曹懷道八十兩（三）易緒生七十兩（四）郭聘帛三百兩（五）羅子芬八十兩（六）朱漢八兩由廖湘雲證明（七）王緒焜前領八元扣銀十七兩後領銀六十三兩以上七名均有領據存案（八）徐天毅領銀八十兩由廖湘雲證明（九）余伯魯領銀三百兩由龍處長信發（十）湯壽前領銀四十兩後領銀四十兩（十一）程志斌前領八元扣銀十七兩後領銀六十三兩（十二）朱端中前領銀四十兩

內 務

後領銀四十兩（十三）林子陶領銀三百兩（十四）涂振亞八十兩（十五）朱志成前領銀四十兩後領銀四十兩（十六）王重民前領銀四十兩後領銀四十兩以上十六名均有領據存案惟程志斌王重民領據似係塗改又查原控謂該科長臬團後射雉博笑樊西巷猜雀消閒湘舞臺選色徵歌等語遍詢臬團後樊西巷各妓戶暨湘舞臺伶人均不知李達武其人至謂天樂居一第萬錢查李達武於本年陰曆正月十七日到處該天樂居自陰曆正月初一日起迄今並未開張貿易又謂李達武前在岳州捲款潛逃暨姦佔民婦各節查捲款既無當事人告發姦佔又屬親告無論事實之有無似無考查之必要此查復第二條所控各節之實在情形也

第三條所控謂謀害民黨之湯銘調查王鑫濤吳子桂亦混雜其間等語查王鑫濤確有調查嫌疑前由丁龍雲介紹贖領洋八元後經查明當即將委狀扣留因消吳子桂則報冊有名已經領款其人亦從未到處是否為湯銘調查抑或姓名相同均無從查考該處對於陷害民黨之調查恐其有贖領郵款情事前曾牌示曉諭無論何人准其告發一經查實立予取消斷無指請取消悍然不顧之理又原控稱護兵廐僕牛驢同阜等語按之事實誠所不免但各首領於奔走起義之時初未嘗限以人格至今日論功給卹又豈能因人格不合而剔退之此

五

事實上之所難行亦人情上之所不忍者也此查復第三條所控各節之實在情形也

第四條所控如暗地私補名額各節已詳第二條查復之內毋庸再贅至稱多耗公帑近二萬兩有奇一語實無其事又查羅劍仇取銀九百六十兩係由林副處長兩次條交第一次係龍申之鄭叔冰劉義武王宏金孫少中宋得勝王正倫孫明中楊華榮羅月廷陳揆一吳文起劉慶祥趙學雲熊尙志十五名領去銀六百兩有羅劍仇劉劍莊羅廷表三人公共領據存卷第二次開報十二名由處刪除三名計發張明立凌士鑫田均田縱胡君劍覃修安朱濬王安國陳國材九名領去銀三百六十兩有羅劍仇領據存卷胡左峯取銀四百兩查胡左峰即胡朝璋由林副處長條交原單開報十五名由處刪除五名計發胡登亮盛培胡鳳卿向子固向養浩吳保初林寶善文運新鄧光球蔡鵬飛十名領去銀四百兩有胡朝璋領據存卷唐元取銀二百四十兩查唐元原單開報三十餘名僅由處准發馮濱張叔文馮維漢曾紀禮劉炳鍾聲鏗六名有唐元收據存卷又原控稱黃駕白取銀一千兩不知以何項名目報銷等語查黃駕白開單請補發王元劉瑞吳芳彭俊李助臣陳福森吳慶雲七名李達武不允補發當於據上批明暫作借數共銀二百八十兩有黃駕白收據存卷並無一千兩之多又查羅劍仇胡朝璋

唐元黃駕白諸人當起義時所部人數極多此次除黃駕白所領銀二百八十兩暫作借款外餘均在資遣報銷之列並非額外報銷又稱劉振傑沈百鈞黃斌等之由有力介紹而得補給至真正爲國出力人員雖再三籲請而不獲補等語查補給一項第二條已詳言之至真正出力人員此次向隅者實居多數但係爲財政所限制不得不然至於介紹者之有力與否原不必論祇論介紹者之負責而已至補給一項均由正副處長各部首領開會審查酌量補定與李達武絕無關係此查復第四條所控各節之實在情形也

第五條所控李達武私餽呂柑樹銀二百兩楊瘦橋銀一百二十兩等語遍查該處並無此數查呂柑樹前由李達武代借銀二百兩楊瘦橋即楊炳前與楊時霖借過銀五十兩以上二項均係私人借款與撫卹處無干又稱一切支取皆專擅行使並不由會計經手等語查各項應支款目經總務科通過再行知照會計執行此爲各機關之通例至銀錢仍歸會計經營李達武並未干涉此查復第五條所控各節之實在情形也

第六條所控文牘吳樹勛係李達武之心腹等語查吳樹勛係慈利縣人前曾代理大庸縣知事經林副處長薦充文牘月給夫馬洋二十圓外間以吳與李達武同屬慈利故爲此羅織之詞至葛林李三副處長均每日到處並無不常過問之說此查

覆第六條所控各節之實在情形也

第七條所控謂現委各路調查多出李達武一人之手等語查現委各路調查三十人係由三副處長徵求各首領同意提交審查會決定再行委任其委稿並委任狀均經正副處長蓋章簽字至凡委任各稿由總務科擬辦亦係各機關之通例此查覆第七條所控各節之實在情形也所有查覆李達武被控各情是否有當伏候核示祇遵等情據此處長覆查無異理合具文呈請 察核謹呈

◎湖南省長公署令耒陽禁煙查緝所

呈查緝煙犯日稀會同酌量情形擬歸知事專辦由

呈悉查該縣近月以來破獲煙案極少據稱各節自堪憑信應准如呈辦理以資結束而免糜費惟煙政關係至為重要該專員取消後應由該知事擔負完全責任嗣後如再有多數煙案發生或經人民告發有據均惟該知事是問仰即知照此令(六月四日)



教育

●湖南省長公署咨 直隸省長

為咨復事案據湖南省有鑛務總局總理蕭仲祁協理余煥東王猷呈稱為遵飭核議北洋大學畢業生潘孝恒請資送出洋留學一案仰懇察核轉咨事案查接管卷內前奉鈞署訓令開案准直隸省長咨開案據北洋大學校呈稱案據工科採鑛學門乙班畢業生潘孝恒稟稱孝恒現擬赴美留學再圖深造查湖南鑛務局向由餘利項下支取經費培植鑛學人材孝恒在北洋大學畢業若由該局咨送美國有直接入大學之資格擇湘省最有希望之鑛產加意研究不過二三年即能專精其事請由本校設法等情查該生在校成績甚優志趣遠大湖南鑛務局果能咨送出洋將來畢業歸國必於本省鑛產大有裨益想湘省須才孔亟當無不樂予栽培也是否有當理合備文呈請鑒核轉咨湖南省長令湖南鑛務局資遣該生俾得學成致用實為公便等情據此相應咨請貴省長轉行湖南鑛務局核奪見復令遵至緞公誼等因准此合行令仰該局即便查照來咨核議具復以憑轉咨為要此令等因奉此遵查本局歷年資送東西洋留學採鑛冶金各專門學科畢業歸國者現有十餘人尙未全數錄用目前既無必需考察研究之目的又值公款支絀之時應毋庸再行派遣該畢業生潘孝

恒成績優美志趣遠大自屬有用之才擬暫由本局存記俟將來選派學生出洋時再行核議是否有當理合呈請鈞署察核轉咨施行等情到署除指令外相應備文咨復 貴省長請煩查照令知為荷此咨(五月三十一日)

●湖南省長公署咨 湖北省長

為咨請事案據湖南工業專門學校校長賓步程呈稱竊本校附設工業教員養成所應化科兩班因湘省現無應化工場不能實地練習不得不就各省大工廠參觀藉證學理茲擬於本年暑假內率同該應化科學生至湖北各局廠參觀所有來往川資歸校津貼暫借旅鄂中學校為寄餐宿之處統以半月為限除呈請令行湖南旅鄂中學校借用房屋寄住半月以便餐宿外所有擬定參觀地點懇請鈞署核准轉咨 湖北省長分別令知實為公便等情附開擬定地點到署除指令外相應備文附錄原擬參觀地點咨請 貴省長察照分別轉令知照並希見復以便令遵為荷此咨(五月三十一日)

計開擬定地點

- 湖北織布局 紡紗局 製麻局 水滌局 蠶絲局
- 製革局 製呢局 銀元局
- 漢口王家磯造紙廠
- 漢陽火藥局 兵工廠 鐵政局

●湖南省長公署咨 教育部

為咨請事案據湖南高等師範學校校長劉宗向呈稱案查部定師範畢業生規程應按年服務本校師範學生六班均於本年六月修業期滿即當畢業業經呈請鈞署咨飭派遣服務在案茲據本科英語部學生黃元羅維周博物部學生蔣後周寶寬符邦屏尹鎮湘劉繼陶李明一李先登等面稱願往新疆省服務請呈請官廳派遣查 教育部定章凡師範生服務邊省者得減少服務年限三分之一所以謀選方教育之發達也該生等在校成績既有可觀志願尤堪嘉尚理合代呈鈞署察核伏懇咨達 教育部指派該生等前往新省服務深為德便等情據此查該生等於本年六月畢業該校後自願遠赴邊省服務其志尚屬可嘉除指令外相應備文咨請 大部核覆以便令遵為荷此咨(六月二日)

●湖南省長公署咨 教育部

為咨請事案據公立商業專門學校校長湯松呈稱竊敝校本年度上期所有關於教員進退職務變更以及招選新生或收受轉學生一覽表業經呈報鈞署並請轉咨在案茲將本年度下期職員表二份教員表二份收受轉學生表二份附學生表二份分別繕就理合彙呈鈞署察核轉咨實為公便等情計呈五年度下半年期職教員及轉學生附學生一覽表二份到署除指令並提存一份存查外相應備文檢同原表咨請 大部察核即希見覆以便

令遵為荷此咨(六月二日)

●湖南省長公署咨 教育部

為咨行事案查本署於本年二月將所屬各縣等級開單咨復大部聲明查照 咨開七年分派定各縣曆書如各屬縣認為特別情形或須增減冊數之處限於五月以前呈明理由以憑轉咨辦理通令遵照在案現為限已滿其呈明特別情形如大縣常德請減為一百冊中縣綏寧請減為一百冊平江臨澧茶陵請減為五十冊永明請減為四十冊小縣桑植請減為五十冊均經指令准予彙咨在案其餘六十八縣未據按照此項辦法呈請應即預為咨明請照各該縣所定數目付印郵寄除印費另行通令催解外相應咨請 查照施行此咨(六月四日)

●湖南省長公署咨 教育部

為咨請事案據私立羣治法政專門學校校長任紹選呈稱本校政治本科一班生修業期滿業將應行畢業各生姓名及歷年試驗成績表冊呈報鈞署核咨嗣奉鈞署訓令教字第九一五號內開案准 教育部咨開准咨送羣治法政學校政治本科一班生歷年試驗成績表一覽表三冊到部查該班本科生本年三月修業期滿核閱表冊尚與原案相符應准屆時舉行畢業試驗等因各在案本校遵將已奉核准畢業學生陳鵬等四十九名於本年三月舉行畢業考試所有試驗成績均經試驗及格應予畢業除

試驗不及格及因事請假未與試驗之鄧希昇等十二名已由本校發給修業證書外理合將試驗及格成績分數分別造具表冊備文呈請鈞署察核轉咨 教育部核准備案實為公便再冊內學生劉紹南隸籍龍山縣原冊誤載為綏寧縣又學生陳申甫因避重名呈請更名健合併聲明等情據此除指令呈悉應准轉咨核復令遵惟該校舉行本科畢業考試未據呈請本公署派員監試以昭慎重殊屬不合併即知照此令印發外相應備文檢同原表咨請 大部察核見復以便令遵為荷此咨(六月四日)

●湖南省長公署令考察實業教育委員

湯松

案准 教育部電開本部前咨於十月內開實業校長會議所有關於籌畫改良實業教育事項亟應詳加研究倘能酌派委員於暑假前赴日本或菲律賓等處考察最近實業教育之設施與其教授練習及種種適合應用之關係當可酌宜取法為我改建之資於本屆會議尤有裨益等因准此查吾國實業教育尚未發達亟應考察他國之成規以為籌畫改良之標準茲查有湯松堪勝考察之任合行令委令到該員即便遵照剋日束裝前赴日本及菲律賓等處實地調查由本公署酌給旅費洋四百元該員務將部電所列考察各事項分別詳查編成報告書表呈候採擇是為至要此令(五月二十六日)

●湖南省長公署令常德縣知事

案據該縣勸學所所長張炯呈稱竊炯蒙鈞署委任充當常德縣勸學所所長本擬勉盡綿薄仰副鈞署殷殷提倡教育之盛心無如就職以來才短任重隕越滋多不得不及時引退以讓賢能惟念常德學務情形就管見所及倘有不能已於言者謹為鈞署陳縷陳之一學款亟宜統一也常德學款除聯合中學校解款外其餘各學校之款概由各學校自行經管款有餘者則浮濫開支款不足者則非敷衍了事即中途停辦致常德號稱大縣而國民學校之成立者尙屬寥寥炯承乏勸學所後即擬將常德學款實行統一以便酌盈劑虛俾教育稍有進步究因積重難返至今遷延數月之久藉故把持者尙不乏人擬請鈞署令知常德縣知事轉令把持學款之各校限文到十日內將所有經管學款數目交出否則予以相當之懲戒如此則學校款項充裕者不至有虛糜之虞而學校款項奇絀者亦可以畧資挹注矣一常德女子師範學校宜變更也常德女子師範學校師範本科生二班預科生一班附屬高等小學科一班國民科二班幼稚生一班共計七班本年所擬預算書共需開支錢一萬七千餘串炯代為計畫以四千串作為附屬小學及幼稚生四班之用是用之於三班師範生者尙有一萬三千餘串而三班師範生又僅四十餘名是用之於每名者竟達三百二十餘串也以全年三百二十餘串之款培養文師

第 三 十 二 冊

範生一名使其畢業後果能投身教育界尚不失為浪費然女子究何能掃除一切障礙而投身於教育界乎既不能掃除一切之障礙而投身於教育界每年又耗費地方如許之款在他縣財力充裕者固屬可行而在常德似覺不宜出此 查該校師範生本年上半年應畢業者一班下學期但存二班二班合計約三十名擬以該校常款四千串之譜將此約三十名之學生送入周南女塾或省立第二女子師範學校肄業至該校所餘之款九千串則就原有校舍改設女子職業學校原有之附屬小學校則一仍其舊如此在師範生用款無多且可以受良好之教育在地方無另籌學款建築校舍之勞立時可成立一女子職業學校矣 常德縣有學款與城區學款宜劃分也常德城鄉各學校往年均係自由籌款其款項性質究應歸全縣有或歸某區有均不甚分明以致教育上整理進行諸多滯礙擬於本年上學期內查明各校款項性質實行劃分如沙灣城立第三國民學校之穀米捐澆捐斗姆閣城立第四國民學校之棉花捐樂局城立第二國民學校之狀紙捐當店捐西門外城立第七國民學校之雜糧捐山貨捐東門外育德女學校雜糧捐撤船捐其負擔者均係常德全縣之人民似應將此項捐款劃歸常德全縣有常德縣勸學所經費所指定之屠捐咸捐純係由常德城區人民負擔似應將此項捐款劃歸常德城區有常德縣立第四高等小學校之軋花車

捐純係由護城鎮人民負擔似應將此捐劃歸護城鎮有如城立各學校其捐款劃歸縣有後其經費或有不敷者則以屠戲捐彌補如再有不敷則遵照教育部令由縣有學款補助學校根本既不至於動搖而學款之轉輸亦可從此免矣一國民學校宜籌補助費也湖南僻遠各州縣其成立之國民學校多者數百所少者亦與常德相埒長沙湘潭瀏陽等縣更無論矣常德文化之輸入非不早也交通非不便利也人民非甚貧瘠也然而學校之進步竟蹉乎在後者何也未籌集大宗之補足費以資提倡鼓勵也則本年雖實行統一學款將來當不無盈餘可以作為補助費然為數究亦無多查常德棉花油靛穀米蓮實以及他項貨色幾乎無一無捐而獨於銷售最旺之牛皮棊子鹹水等無捐未免失情理之平且牛皮捐一項楊前知事增榮任內已定案出示照賣價抽收千分之一作為學款惟因奸商把持而楊又未幾交卸未實行炯現擬牛皮一項仍查照楊前知事原案抽收棊子鹹水其捐率與牛皮一律合計全年收入約在一萬串以上以之補助全縣國民學校而國民學校必可逐漸推廣矣一常德私塾亟宜取締也私塾之與學校在今日已成爲不兩立之勢有私塾則塾師塾東均爲保全私塾計對於已成立之學校則多方破壞對於未成立之學校則極力阻撓如能將私塾實行取締則塾師塾東對於私塾之希望已絕勢不得不轉向於學校之一途如此則不但已

成立之學校可從此無倒閉之虞即未設立學校之處亦可促其成立矣嗣自入常德勸學所後即呈請劉前知事向日查照民國三年湖南行政公署所頒布之取締私塾規程實行取締惟知事之權力甚微而私塾之抵抗力甚大取締之命令雖下而私塾之存在依然甚至有開會反對聚眾要挾之舉若非鈞署嚴飭常德縣知事遵照前頒取締規程切實執行恐取締徒託空言而國民學校之擴張將亦遙遙無期矣以上所舉五端關係常德地方教育甚巨雖去職伊邇然為桑梓教育前途計究不忍緘默不言是否可行統希察核等情據此查該所長所舉五端除學款統一取締私塾二端著該知事迅速迭次令飭執行及前湖南行政公署所頒布之取締私塾規程切實辦理外其餘如變更女子師範為職業學校以及劃分學款性質並籌國民學校補助費各端均不為無見仰該知事迅速約集辦學人員及本地士紳查照該所長所舉各端妥議進行方法呈候核奪併即轉令該所長遵照此令副呈發(五月三十一日)

●湖南省長公署令桂東縣李氏私立乙種工業學校

案准 教育部咨開准第二三六九號咨送桂東縣李氏私立乙種工業學校事項冊暨職教員學生一覽表各一本到部查該校冊開事項及職教員學生資格大致尙合應准備案惟事項冊第

三條第三款內載四月一日為學年之始是因第一班學生入校時期之變通而遂為全校永久之規定殊屬未合又一年分為二學期亦與定章不符應請轉令該校查照本部學校學年學期及修業日期規程第一條第一項暨第二條第一二三等項辦理相應咨復貴省長查照令知可也等因准此合行令仰該校遵照辦理此令(五月三十一日)

●湖南省長公署令平江縣知事

案據第三區省視學盧忱毅呈報該縣辦理學校社會教育及教育行政各員優劣情形並請分別獎懲等情到署除指令呈悉查啓明女子職業學校經理凌盛儀校長李樵松創辦該校十有一年成績卓著又縣立第一高等小學校校長周士鵠辦理該校將近六載管理訓練俱有良規感人最深成功最懋均足嘉許應准令行平江縣知事查照 教育部獎章條例第六條將該經理校長等履歷姓名年限成績等項造具事實表各二份費署以便擬定給獎等第咨請 教育部核給獎章以資鼓勵又縣立第二高等小學校校長方華辦理該校成效顯著年限較淺暫由該縣知事查照小學教員褒獎規程第三條酌給褒狀藉昭激勵至第二第四第十五國民學校教員張化南張自南李鴻儀等不明教法勸學所所長鍾聲鏗前已被控有案曾令該縣知事查辦具復俟呈復到署併案核辦所員李師韓等放棄職務候令該縣知事查

照興學人員改成效例第四條第三項施以訓戒如不悛改即行撤換以重學務其餘優劣各員應准一併令行該縣知事傳諭獎懲俾知改勉仰併知照此令印發外合行鈔錄原呈令仰該知事即便遵照辦理此令(五月三十一日)

●湖南省長公署令常德縣知事

案據該縣勸學所所長張炯呈費諮詢事項容復書前來查該所長所陳各節除關於經費事項第三條應由該知事酌量情形分別呈請核辦外與舉事項開辦師範講習所一條關係重要尤須籌畫周詳其餘各條尚見核實應准照辦再設置事項第一條請撥前營甯道為校址一節事關營產應毋庸議仰即轉令遵照此令書存(五月三十一日)

●湖南省長公署令靖縣知事

案據該縣勸學所所長鄧維受呈費諮詢事項容復書前來查該所長所陳各節尚屬核實惟計畫甚少該縣教育難望積極進行是一缺點關於設置事項應遵前發各條切實辦理教育興革事項七年推廣城鄉初等小學著改為推廣城鄉國民學校八年籌設縣立中學應改為籌設乙種實業學校或實業補習學校十年籌設縣立實業中學部章無實業中學名目應即取消其餘尚無不合應准備案仰即轉令遵照此令書存(五月三十一日)

●湖南省長公署令南縣知事

案據該縣勸學所所長段雲松呈費諮詢事項容復書前來查該所長所陳各節尚屬詳盡惟關於經費第三條第六條應另由該知事酌量情形分別呈請核辦設置事項第三條關係重要萬不可輕於舉辦與舉事項丁項暫定第四年為籌備時期已項可毋庸議革除事項第一條著遵照前湖南行政公署取締私塾規程切實辦理其餘各條尚無不合應准試辦仰即轉令遵照此令書存(五月三十一日)

●湖南省長公署令旅鄂湖南中學校

案據公立工業專門學校校長賓步程呈稱竊本校附設工業教員養成所應化科兩班擬於本年暑假期內率至湖北織布局紡紗局製麻局水泥廠繅絲局製革局製呢局銀元局漢口漢家磯造紙廠漢陽火藥局兵工廠鐵政局各處參觀藉證學理惟雜居旅館諸多不便且為費不貲查湖南旅鄂中學校正在給假之期學生均已散歸無人居住擬借用該校房屋作為學生寄宿之用所有火食均歸學生自備自到校之日起以半月為限事關公益理合備文呈請鈞署先期令知實為學便等情到署除指令據呈該校學生於暑假期內參觀湖北各局廠擬借旅鄂中學校房屋作為寄宿之用事屬可行應予照准仰候轉令旅鄂中學校校長知照可也此令印發外合行令仰該校校長知照此令(五月三十一日)

●湖南省長公署令

安仁	嘉禾	零陵	祁陽	東安	道縣	甯遠	永明
藍山	郴縣	永興	宜章	資興	桂東	汝城	

等縣知事

案據省立第三師範學校校長羅傳矩呈稱竊本校定於本年暑假內添招預科兩班以足十班之數前於編造新五年度預算書請列臨時建築經費暨六年度預算書增列兩班經常費文內先後聲明有案茲值暑假伊邇自應遵照招班成案並根據鈞署前頒之省立師範學校學生入學條例訂定本校招考條例呈懇鈞署轉令衡陽道屬二十四縣知事查照考選合格學生如期咨送到校以憑覆試惟查本校歷屆招生各縣選送學生每多愆期不到致令覆試手續紛繁開學亦因此延緩實與學年教程大有妨礙又師範生五年修業期滿後即應躬任教師責任至為重大招考之初自應嚴予甄錄以杜流弊而各縣選送學生間有不諸此旨隨意選送或則年齡過大或則程度不及甚至規定名額亦不送足致令本校無復考選之餘地殊與師範教育之本旨大相逕庭茲特陳其概要仰懇鈞署據情轉令各縣知照無任待命之至所有暑假內添招師範預科兩班懇予令縣選送學生來校覆試各緣由除另印招考廣告由校逕請各縣知事代為張貼外理合備文並檢同招考條例呈請鈞署察核施行等情計粘送

教育

招考條例二十六份到署除指令呈及資件均悉該校定於本年暑假內添招預科兩班核閱所擬招生條例尚無不合仰候轉令衡陽等二十四縣知事查照辦理可也此令資件存轉印發並分行各縣外合行檢發原資招生條例一份令仰該縣知事即便查照辦理為要切切此令(五月三十一日)

●湖南省長公署令鳳凰縣知事

案據該縣勸學所所長滕文昭呈費前發諮詢事項答復書並繪圖二紙到署據此查該所所呈各節臚列詳明籌畫周備具見平日留心學務深堪嘉尚除經費擴充一條應由該知事查明實在情形呈候核辦外其關於經費第二條設置學校第一條第二條分割學區第二條教育興革第一條第二條各事項均切實可行應准照辦仰即轉令遵照此令書及圖存(五月三十一日)

●湖南省長公署令古丈縣知事

案據該縣勸學所所長張品元呈費答覆諮詢事項書前來查核所陳各節尚屬詳明惟關於設置學校事項雖據呈該縣有特別情形不無困難然亦不可終安固陋不謀進行著該所長通盤籌畫將該縣教育逐漸改良至興革事項第三年乙項實行強迫四字應暫取消其餘尚無不合應准照辦仰即轉令遵照此令書存(五月三十一日)

●湖南省長公署令私立達材法政專門

七

學校

案准 教育部咨開准咨送私立達材法政專門學校法律別科第七班生畢業成績表一覽表三冊到部核閱各生姓名尙與原案相符畢業成績亦均及格該班學生馬傳中等八十九名應即准予畢業惟許梨原冊作許梨戴振球原冊作戴振趙世勳原冊作趙世勳究竟是否改名抑或筆誤應飭查復再行核辦相應咨復貴省長查照令遵等因准此合行令仰該校遵照此令（五月三十一日）

●湖南省長公署令公立商業專門學校

案准 教育部咨開准教字第二二六二號咨開據公立商業專門學校校長湯松呈稱本校甲種商業本科乙班學生李超等四十二名於民國二年九月入校扣至六年六月底止修業期滿應予畢業茲將該班學生履歷及本科第一第二兩學年成績造具一覽表二份備文呈費鈞署備案並懇咨部核准畢業指令祇遵實為公便等情計呈學生履歷成績表二份到署除指令呈表均悉仰候咨部核復令遵可也此令表存轉印發外相應備文檢同原表一併咨請察核等因並成績表一份到部查表開學生黃治平等四十二名核與原案相符應准屆期舉行畢業試驗相應咨請貴省長轉令遵照可也等因准此合行令仰該校知照此令（六月一日）

●湖南省長公署令私立公益甲種工業學校

案據財政廳長袁家普呈稱呈為續議公益工業學校請飭銀行增價收買校舍一案應請仍照原擬辦理事案奉鈞署訓令案據私立公益甲種工業學校校長胡兆麟呈稱案奉鈞署令開案據財政廳呈稱查勘工校校基一百八十七方強現時價值至多二萬零二三百兩令該銀行收買由該校校長書立契據交該銀行管業等因理應遵令何敢妄瀆然事關教育前途有不得不再三瀝呈者校長前將私財購建校舍原為鞏固校基起見今作二萬金收買則工校前途不堪設想查藩圍後楊姓地皮九百方公家以二十八萬兩銀幣收買敵校地皮值楊姓基地五分之一而價值僅十四分之 校長雖不敢與爭而敵校生徒勢必解散殊為可惜用特再行擬懇設法由全如蒙公家收買請照楊姓房屋估價以便另覓校地否則擬從本年起分年攤還每年六月償還一千兩十二月償還一千兩母金一萬八千兩扣至民國十五年一律償清息金擬懇由公家捐出作貧民學校經費庶銀行債權不至消滅本校校舍得以保全於執行債務之中寓維持教育之意伏念鈞座熱心教育不遺餘力擬懇飭湖南銀行查照辦理格外維持俾資續辦如蒙俯允則全校感激除呈 教育農商部外理合呈請俯賜核辦等情據此除指令呈悉仰候令行財政廳議復

令遵可也此令印發外合行仰該廳即便核議具復以憑轉令遵照爲要等因奉此查此案前經本廳督飭湖南銀行核議辦法呈奉鈞令照准由廳轉令該銀行遵辦在案旋奉前因復經轉行該銀行核議去後茲據呈復內稱查該校欠款久懸無著本行前奉令收買該校原屬萬不得已照市估價二萬零二百兩尤爲格外公允所請分年償還一節仍係拖延時期毫無確實根據未便允行自應仍遵前令收買校舍酌取租金以免公款久懸至本行收買藩園後楊姓房屋係估價二十萬兩該校援引爲例謂楊姓地皮九百方公家以二十八萬兩收買等語係屬錯誤如果該校始終爭執欲增買價擬請鈞署轉呈省長各派熟習工程人員會同本行原估員再行勘估以免爭執而昭核實是否有當理合呈請核轉等情前來本廳查核所呈自係正辦理合備文轉呈鈞署俯賜查核指令祇遵等情到署除指令呈悉該銀行收買公益工校房屋所估之價既屬格外公允仰候轉令該工校仍遵前令辦理可也此令印發外合行仰該校遵照此令(六月一日)

●湖南省長公署令東安縣知事

案據該縣勸學所所長王韶呈覽諮詢事項答復書前來查該所長所述各節於該縣教育現狀及進行辦法殊嫌簡畧經費一項除稅契附加三分及糖捐應由該知事酌量情形呈請核辦外其餘各條尙無不合應准照辦仰即轉令遵照此令書存(六月)

教育

(二日)

●湖南省長公署令省立第一女子師範學校

案准 教育部咨開准教字第二零七八號咨開據省立第一女子師範學校校長馬晉義呈稱本校師範本科第二班學生周大作等由前校長朱剛明於民國元年四月開辦省立第一女子師範考取入校又第三班學生陳瀨蘭等一十六名由彭校長岑於民國元年八月開辦省立第二女子師範考取入校譚學廉等二十四名由康校長和聲於民國元年八月開辦省立第三女子師範考取入校查五年度學生一覽表原載周大作等四十五名除周國楨本學年久未到校外祇存學生四十四名原載譚學廉陳瀨蘭等四十四名除黃健民於本年二月病故邱儼王楊英李鼎華本學年久未到校外祇存學生四十名該兩班生八十四名皆於民國元年考入預科肄業二年八月升入師範本科至今年暑假在本科修業已滿四年陳瀨蘭等十六名預科修業雖未滿一年但三校合併時業由各教員酌量補課一學期後各科程序無稍參差晉義於四年度週年概況報告書內曾將授課時數增減情形詳加審敘該兩班生升級情形民國四五兩年曾經晉義兩次呈請核轉在案本年一月以來該生等輪班授課分組實習六月底將一律完竣屆時例應舉行畢業試驗用特造具學生一覽

表二份呈請核轉批示祇遵至為學便等情計呈學生一覽表二份到署除指令呈表均悉該校第二第三兩班學生周大作陳瀨蘭等於本年六月修業期滿所請屆期舉行畢業試驗之處應准咨部核復令遵仰即知照此令表存轉印發外相應備文檢同原表咨請查核見復以便令遵等因到部查該校係三校合併據稱皆自民國元年開辦預科二年八月升入本科至本年六月修業期滿屆時應准舉行畢業惟統查一覽表內該生等入校年月至不齊一而該校長原文僅稱陳瀨蘭等十六名預科修業未滿一年業由各教員補課一學期以齊程度此十六名以外在二年一月四月九月十月及三年三月入校者尚不乏人是否一律補課或合併時試驗程度確已相當未經聲敘又盛業建一名係四年三月以進修女塾修業資格入校其收受時是否與轉學規則相符亦未詳註應由該校長逐一補報再行核辦相應咨復貴省長轉飭該校遵照可也等因准此合行令仰該校遵照辦理此令

(六月二日)

●湖南省長公署令藍山縣知事

案據第二區省視學廖重祺呈報該縣教育情形並費報告書表前來查前任該縣知事張培遠惜於學務已成之校聽其停閉弗加維持雖縣視學樊炳陽屢次報告亦置若罔聞以致學校寥落毫無起色殊屬非是現該縣署科長晏榮尙屬熱心勸學員鍾華

紳尤具毅力該知事應即督飭該員等切實考察整頓並責成各區學董將停辦各校逐漸恢復以便兒童就學又查陳氏日新鍾氏高陽兩國民學校校舍過於逼窄應令修改免礙衛生其餘各校校舍頗覺適用各校職教員如陳誦芬陳光南朱崇鼎鍾華籌薛景瑄封良弼龍無瑞陳材選蕭振聲袁貢卿廖世鵬蕭漢琦鍾華解鍾才濂鍾華榮等或辦事熱心或教授合法均堪嘉許又陸基陳炳澤趙秉瀆歐陽甲竹震豫等講學辦事雖無特長尙無貽誤之處此外教員彭兆春敘述平平難資啓發彭植廉授算術指示尙合教態迂緩彭瀟語言難明而照顧不靈陳樹啓擔任各科精力難勝鍾良聞語言明瞭惟欠周到應令各該員勤加修養俾知矯偏激弊庶於完善惟蕭氏蓮塘國民學校教員趙楚賓擔任各科國文根抵太薄殊難勝任該知事應令該校校長從速撤換以免誤人子弟至該省視學與該知事暨各校校長約訂各條尙屬妥洽均應切實履行並令縣視學隨時督促指導不得瞻徇敷衍仰併轉令各校一律遵照此令(六月二日)

●湖南省長公署令湘江道道尹

案准 教育部咨開准第二零九八號咨開案據湘江道道尹呈稱呈為師範學校補請立案造費清冊圖表轉懇核咨事竊查武岡縣立師範學校自成立以來尙未報部立案曾於本年三月造費概況報告書案內奉鈞署令准教育部咨飭令遵照修正師範學

校規程造具事項清冊從速補報又該校原費學生一覽表內未將本科年級註明並飭一併填明具報各在案茲據武岡縣知事劉運鴻遵令飭據該縣立師範學校造具事項清冊附具學則圖表並補具五年下學期學生一覽表填明年級呈請核轉前來道尹逐加查核大致尙無不合除指令該縣知事轉飭該校聽候轉呈核辦外理合具文轉呈鈞署察核並懇轉咨教育部立案施行等情計費事項清冊二份學則二份校圖二份歷年職教員表二份五年下半年期學生表二份到署除指令呈及費件均悉應准轉咨備案惟查原費學則第六條內載修業期限爲一年及一年以上或二年以上語欠妥協且核與部章未合應於修業期限句下改用悉按部章規定一語概括又該學則第十六條內載本校原分一學年爲三學期四年遵照教育部通令改爲二學期等語查學校學年學期規程自元年九月經教育部公佈以後並無何項改訂明文該學則此條錯誤亟應更正仍查照元年三學期部令辦理其餘大致尙合仰飭知照此令費件存轉印發外相應備文檢同原費圖表清冊各一份咨請查核見覆等因並冊四份到部查該校補報成立清冊所載各項規則及員生資格大致尙合其學則第六條語欠妥協第十六條一學年分爲二學期核與部章不符既經貴署飭令改正應即予備案相應咨請貴省長查照飭遵可也等因准此合行令仰該道尹轉令遵照爲要此令（六

教 育

月二日）

●湖南省長公署令公立商業專門學校

案准 教育部咨開准第二二八九號咨開據公立商業專門學校校長湯松呈稱竊校長於民國六年四月三十日奉鈞署教字一千九百六十號訓令內開准教育部咨開查省立甲種商業學校畢業生與附設甲種商業講習科畢業生其資格毫無軒輊該校既改爲專門所有併入之甲種商業學校自應遵照本部實業學校令第九條改稱公立商業專門學校附設甲種講習科以歸劃一等因奉此伏查學校名義固與學生之程度無關而卒業證書實爲出身資格之標準際此風氣未開教育未普之際父兄之教育子弟多以學校之名目爲去留社會之待遇學生亦以文憑之字樣爲輕重使於數年之間校名屢改不獨父兄易生疑慮卽社會亦易致迷離本校甲種四班學生原於民國二三四五四年之間以甲種名義招人自去年八月規復專門學校以甲種商業爲附設學生心理已有反客爲主之嫌且本校於去年冬季詳請鈞署咨部存案之時教育部仍以甲種商業名義認許今於本校第二班學生卒業期近之時忽奉改稱講習科之令雖據聲明甲種畢業生與附設甲種商業講習科畢業生其資格毫無軒輊然商業講習之名義易與各種短期講習科混淆且本校成立不過數年始由獨立之甲種改爲附設又由附設之甲種改爲講習科

於實質原無低下之嫌而名義究有紛更之病部令固宜遵守而辦法亦當變通校長再四思維惟有懇請鈞署咨明教育部准予本校現有之甲種商業學生四班仍以甲種商業名義畢業以遂學生父兄之初望且與本校當日招學之通告亦屬相符至於本年新招之生自應遵照部章改稱講習科學生名目以歸劃一所有懇請咨部緣由理合恭呈鈞鑒伏候批示遵行等情據此除指令呈悉查此案前准部覆飭將該附設商業學校改為附設甲種講習科其資格毫無軒輊等因業經本公署令知該校遵辦在案茲據該校長縷陳名義紛更之弊請將該校現有之甲種商業學生四班仍以原定名稱畢業以後新招學生即遵照部章改稱講習科以歸劃一等語核閱所擬變通辦法尚屬可行仰候轉咨核覆再行令遵可也此令印發外相應據情咨請察核請允如呈變通辦理即希見覆等因到部查該校長縷陳名義紛更種種障礙各節尚屬實情所請擬將現有之甲種商業學生四班仍以原定名稱畢業俟續招新生時再行遵照部章改稱講習科以歸劃一等情變通之中加以限制辦法尚無不合應准如呈辦理相應咨覆貴省長查照令知可也等因准此合行令仰該校知照此令
(六月二日)

●湖南省長公署令湖南銀行

案查北京大學湘籍學生朱方黃明謨陳繩威黃俊陳燦謝基夏

六名前由該校咨送各該生等學業成績操行等第到署經本公署核准每年各給津貼洋一百元分上下兩期匯寄函覆該校在案旋准該校咨開轉據該生等呈請匯寄本年上半期津貼等情當經代填領款憑單轉令財政廳查照核發茲據該廳遵令填具發款通知書費署合行飭科代填三聯總收據連同前項發款通知書令仰該行即便持赴金庫照數支取匯往北京大學轉交該生等查收並掣取收條繳驗應需滙費若干即由該行代墊開單呈由本公署轉令財政廳核發可也併仰知照此令(六月二日)

●湖南省長公署令財政廳

案據長沙縣勸學所所長王競等呈稱縷陳本屆勸學所長會議情形並費呈議決案一册到署據此查議決各案中有本省長諮詢擴充各縣教育經費方法案所議各條必須如何實行方臻妥善應由該廳長詳加核議呈候酌奪除指令該所長等外合照鈔原案一件令仰該廳長即便遵照辦理此令(六月二日)

●湖南省長公署令儲蓄銀行

湖南
中國

案據公立商業專門學校校長湯松呈稱縷維實業學生首重練習學理期乎實用經驗賴以增加查去歲甲種第一班畢業各生蒙前巡按使通飭湖南各銀行暨公家所設場廠局所分別實習現多担任事務亦屬成績可觀公私兩方均有裨益茲第二班又

屆畢業之期實習地點亟應預定校長除與各商接洽外仍按照前案懇鈞署先期指令公家所設與商業相關之各機關准於該生等畢業後由本校按照各機關所收人數分別派送練習以完公家培植之責任而為教育實用之提倡所有按照前案分派學生實習緣由理合備文呈請鈞署核准施行實為公便等情到署當經指令呈悉仰即擬具學生實地練習辦法呈候核定再行轉令各商業機關遵照辦理可也此令印發去後旋據該校補呈分派練習生辦法前來經本公署核閱尚無不合合行鈔發原費分派練習生辦法一紙令仰該行即便遵照為要此令(六月二日)

附分派練習生辦法

- 一名額 本校第二班學生共計四十二人仍照去年各機關收入額數輪流遣派練習計湖南銀行十人儲蓄銀行四人中國銀行二人交通銀行二人惟交通銀行尚未始業應請湖南銀行多收二人
- 二期限 以三個月為度
- 三用費 練習生不受薪資惟食膳請由各機關供給
- 四服務 練習生在各機關練習時務必敬謹將事遵守一切規則並須受該主管人之指揮監督
- 五成績 練習期滿應由各機關將該生等練習成績詳報鈞署備案並擇尤任用以資鼓勵

教育

●湖南省長公署令各

道尹 各 省視學 知事 各 學 校

為通令事案准 教育部第一四六零號咨開為通咨事查各學校校長一職主管全校一切事宜關係何等重要所有籌畫經費督率職員考察教科整理校務各項凡屬學校行政範圍均責成於校長之一身自非專注精神於一校之內安望教育能有進步故本部於本年二月頒布五十九號訓令曾以各校校長不得兼充他項職務剴切示知在案現查各地方學校校長仍間有權攝他差與遙領兼庶者其曠職廢事顧此失彼之弊勢必不免實為教育前途一大障礙兩應咨行各省區行政公署就省立各學校查明有無前項兼職情事先行咨復並於派遣省道視學視察時注意詳察切實辦理務使為校長者心無旁騖責有專歸視校務為惟一職教育事業庶可收完美之效果除通咨各省區外相應咨行貴公署查照辦理可也此咨等因准此除分行外合行令

道尹

知事便即認真 致察並轉令所轄各視學一體遵照

仰該視學

查察隨時具報着即遵照

切切此

校長即行明白回復以便轉咨其各遵照毋違

令(六月二日)

●湖南省長公署令道縣知事

案據該縣勸學所所長呈費諮詢事項答復書到署查該所長所陳各節未能將事項細目逐條答述微有不合惟關於經費與分

劃學區以及興革各項暫准照辦設置事項各校經常費應查照修改經費表辦理再勸學所為輔佐機關無對外布告辦法仰即轉令遵照此令書及布告存(六月四日)

●湖南省長公署令郴縣知事

案准 教育部咨開准第二四零一號咨開案據郴縣知事顧尹呈稟稟據屬縣濂溪女子師範學校校長呈費報告書並表前來知事查核無異理合備文呈費仰祈鈞署俯賜察核彙轉等情計呈費民國五年學校週年概況報告書二份管理員教員一覽表二份到署除指令呈及書表均悉應准轉咨備核惟書內載該校經費合校董月捐及學生受業費僅七百餘元不敷甚巨經費為學校之基本仍應由該校長會商該校董等妥籌的款以資維持而收實效至省款補助為數有限斷難恃為常年經費仰即轉飭遵照此令書表存轉印發外相應備文檢同原費書表各一份咨請察核見復等因並冊二份到部查該校職教員資格大致尙合應准備案週年概況報告書並存查相應咨復貴省長查照飭知可也等因准此合行令仰該縣轉飭該校知照此令(六月四日)

●湖南省長公署令各縣知事

為通令事案准 教育部第一五零七號咨開為咨行事據中央觀象臺臺長高魯呈稱本臺前陳畫一代印歷書辦法業蒙咨行

各省區查照在案現在各省區已多咨復到部計各省區訂印七年歷書冊數約有二十餘萬本臺前呈編製七年歷書早奉大部核定批飭付印亟應趕速印寄以期不悞部定遠省九月近省十月全數付郵之限惟查五六兩年歷書價各省區欠解頗多商人催款甚亟本臺正在籌議辦法尙未結束清楚而本屆歷書又須付印為數共計廿餘萬冊印郵等費約需一萬餘元當此金融吃緊之時商人墊款承印不易辦到本臺經費奇絀更屬籌墊無從再四思維各省區即或能照部定期限於八月以內將款解齊已屬緩不濟急况以前去兩年往事例之如期匯解恐不可必事關統一時政辦理不能稍遲擬懇咨行各省區按照單開應解書價通令各屬迅即解省提前電匯到臺庶得趕速付印免誤時期是亦有當尙候鈞裁再四五兩年歷書書價各省區欠解數目歷經陳明政祈迅予一併電催等情到部查轉臺長所稱各節確係實情現在七年歷書既已付印應請通令所屬各縣早日將書價匯省於八月內準期彙寄來部以憑支付而免愆期至前定各縣應購歷書數目如有增減務須於六月以內電部以便照辦否則歷書印成不能更改至各省尙有欠解五六兩年書價之處請一併嚴令催繳至緝公誼相應咨請貴省長查照令知此咨等因准此查此案前准 教育部咨業經通令各縣限於七月以前將七年歷書印費呈費到署並催令欠解各縣趕緊補費及各縣對於縣

級派定書數銀數如有特別情形限文到一月內呈復以憑彙辦
在卷茲准前因除分行外合亟令仰該知事即便遵照前令辦理
毋得延誤切切此令(六月四日)

●湖南省長公署令常德縣立女子師範

學校

案准 教育部咨開准教字第二零九三號咨送常德縣立女子
師範學校事項清冊及管理教員學生一覽表各一份請查核備
案並希見復等因到部查該校學生資格尙合事項清冊大致亦
妥應准一律備案職教員履歷表並予存查相應咨復貴省長查
照飭知可也等因准此合行令仰該校知照此令(六月四日)

●湖南省長公署令各

知事

案據長沙縣勸學所所長王銳等呈稱陳本屆湖南各縣勸學
所所長會議各項大概情形及附資議決案各件懇賜核定施行
等情並開陳議決本省長交議案及會員提議案到署據此查原
議各案或請畧事變通或應妥加修正或未能遽予通行均經本
省長酌奪再三採擇公布除指令該所長並分行外合將原案共
八件彙列附後令仰該知事轉飭勸學所及各學校遵照辦理此
令(六月四日)

計開

一 籌定實行國民學校多級單級經費表辦法案

教育

此案既經議決不變更原表但請將原表附註不得更少於
最低額一語畧予變通應准照辦將多級經費原表附註改
爲以上所定經費表各縣得斟酌本區財力情形適用之至
班數加多或減少可視定額爲增減惟邊瘠各縣得就最低
額八百九十六串文酌減去百串以內之數單級經費原表
附註改爲以上所定經費表各縣得就本區財力情形適用
之惟邊瘠各縣得就最低額二百八十六千文酌減去五十
串以內之數

二 固定各縣現有教育經費辦法案

此案因各縣財產保管處及現管學款各機關將教育經費
劃交勸學所經理一案尙待商榷故該所長等本屆會議所
定劃交標準未能遽予實行惟已劃交者應准照常經理又
稱各縣教育經費以本屆各縣勸學所所長具報於諮詢事
項答復書內者爲甚確則固定各縣現有教育經費自應以
諮詢事項答復書內所載數目爲憑准即通令各縣將所有
各地方教育經費自民國六年一月一日起均照此次各縣
呈轉勸學所答復諮詢事項書內所列現有實數著爲定案
此後但許增加不許縮減並嚴禁移挪侵佔圖作別用庶幾
初基奠定將來各縣地方教育事業有循序振興之望

三 每縣至少必籌設完善國民學校一所案

此案既經議定請本省長通令各縣知事於本年秋季始業一律成立仍將設置情形具報查核應予照准惟必如何辦法始臻完善則於職教員之聘任是否合格教授管理訓練三者是否確有研究校舍之建置圖書標本器具之設備是否合用以及經費能否固定並逐年預備增加均宜通盤籌畫酌量進行至各縣將設置情形呈報請核後本省長必仍常派視學密加考察總期地方子弟得受善良之教育而各縣艱辛籌得之教育經費亦不至虛糜庶幾國民教育可望日臻進步至完善國民學校等字樣係指辦學內容言之非以是規定名稱並應轉令各辦學人員知照

四 籌定限制中學校及高等小學校收受學生辦法案

此案因各校收受學生太濫自應嚴示限制惟速將同等學力一語取消于收受學生時亦不無窒礙嗣後各校收受學生應照章先儘畢業升學合格之學生收取如尙不足額時得暫以十成之一收受同等學力相當入學之學生庶于嚴示限制之中俾自修有素者仍無阻止入學致生缺望之弊則辦法可得其平而亦不至有所窒礙

五 籌議兩等小學校加授職業科目及財力充裕之地方增設職業學校案

此案既經議決國民學校不加授職業科目高等小學校酌

酌地方情形加授職業科目至職業學校則各縣增設一所應予照准惟開辦職業學校言易而行實難非先有正確之調查及詳密之計畫而貿然開辦未必于地方有益或轉致費用虛糜嗣後各縣增設職業學校仍應將調查狀況計畫條件並辦理情形詳具文書呈候核辦令遵不宜輕易舉行致陷有名無實之弊

六 籌議各縣教育會內應設何種學術研究會並與省教育會及各縣教育會互謀聯絡接洽之法案

此案既經議決各縣教育會應設小學教育研究會或其他教育研究會章則採用湖南省及長沙縣教育會小學教育研究會所訂行者呈請本省長令發各縣實行應准照辦

七 規定各縣學校年暑假日期案

此案因各縣學校有放假日期過多甚至時已陰歷二月中旬旬有尙未開學者殊于地方子弟求學光陰曠廢可惜今既議決國民學校高等小學校及與高等小學校同等之學校每年放年寒假及暑假日期共在五十九日以內將春假取消應准照辦惟各地方學校多沿用陰歷年關舊習以致延長寒假日期亦非矯正習俗之道嗣後各縣城區學校仍應遵照部章及本省長前令實行陽歷年假不許沿用寒假名目惟鎮鄉各處不能盡責以一時遽行改革應暫准酌放寒

假而日期亦不許逾二星期以外並應令行各縣辦學人員一體遵照

八會員沈德彝提議自高等小學校以上之學校宜添設技術一科以儲武備案

准照議決案通令各縣知事轉行各高等小學以上各校于體操科添教拳術

●湖南省長公署令省立第一女子師範

學校

呈學生修業期滿應行畢業試驗發給證書請核准由

呈表均悉該校附屬國民學校學生皮宗陸等三十二名章國幹等十八名高等小學校學生蔣家瑞等二十八名據呈於本期修業期滿學科亦教授完竣應准舉行畢業試驗蒙養園生亦准於七月內填發出園證書仰即知照此令表存(五月三十一日)

●湖南省長公署令安鄉縣知事

呈查高小學校報告表由

呈表均悉暫准備案惟查小學校長教員均有管理學生之責且無學監管理名目該校僅以二教員兼任殊屬不合應即取消續招新生著恪遵高等小學校令第十五條辦理入校期以每年秋季八月始業為合 部令又查二年級及一年級學生多係國民學校修業生入校期應改為六年八月及五年八月起計算以歸

教 育

一律三年級著仍舊辦理暑假時尤須嚴加考驗如程度實有不及應令降班補習以免程度參差不齊之弊本年所收插班生均註明會肄業長壽永大兩鄉高等小學校查該二校各種表冊前未據分別造報無憑查考究該生等有無轉學證書及成績表永大長壽兩校現在仍否開辦前項應造表冊何以至今未據實到著該知事逐一查明呈候核奪其餘各校表冊有尚未造報者務令剋日呈費毋再貽誤是為至要再該校學生甚少用費至多著速設法推廣或力求撙節以惜財力仰即轉令該校及各校遵照此令表存(五月三十一日)

●湖南省長公署令郴縣知事

呈查縣立師範講習所學生一覽成績各表由

呈表均悉該縣立師範講習所學生三十九名核與原費名冊尚屬相符各科成績亦均及格惟師範生出校後能否勝任以在校實習成績良否為斷該生等既經實習必有教授與批評案存所何以未據一併呈費仰飭該所迅速補費以憑審核切切此令表存(五月三十一日)

●湖南省長公署令省立第二甲種農業

學校籌備員孟鼎鑑

呈籌備事項辦理就緒並假報恩寺東林為臨時校舍由

據呈該校籌備事項辦理就緒併假定報恩寺東林作為臨時校

舍應予照准仰即擬具招生條例呈候本公署核定令遵為要此令(五月三十一日)

●湖南省長公署令省立第二甲種農業

學校籌備員孟鼎鑑

呈報職校兩場分別播種及墾地整理情形由

據呈該校農林兩場分別播種及墾地整理情形足徵該員任事

熱心良用嘉慰應准如呈備案仰即知照此令(五月三十一日)

●湖南省長公署令新田縣知事

呈齊學生履歷成績表懇核准畢業由

呈表均悉查五年九月所發高等小學報告書及員生一覽表至

今未據該校呈殊屬玩延已極高等生修業期滿本可照准惟

無前項表冊無憑查考所請暑假前畢業一節礙難照准嗣後該

校及其餘各校應造表冊著速遵新頒各表分別造報候核再

貽誤仰即轉令該校及各校遵照此令表發還(五月三十一日)

●湖南省長公署令茶陵縣知事

呈齊縣立高小校職教員生一覽表由

呈表均悉應准備案惟本年所收轉學生應遵章用第二號表造

報嗣後當特別注意又轉學生須驗明轉學證書切勿含混遷就

仰即轉令遵照此令表存(五月三十一日)

●湖南省長公署令永興縣知事

呈轉縣立師範講習所畢業生履歷表由

呈表均悉該縣立師範講習所學生修業期滿經該所嚴行考試

分別畢業留級辦理尚無不合核閱學生名冊均與原案相符惟

計算分數表第九欄內將百分之七十誤百分之七百分之三十

誤為百分之三實屬疏忽又畢業成績總平均分數句上應冠學

科二字以醒眉目仰即轉飭更正並將學生所作教授案及批評

案一併補齊以憑審核切切此令表存(五月三十一日)

●湖南省長公署令益陽縣知事

呈高等小學報告等表由

呈表均悉暫准備案惟查小學校長教員均有管理學生之責且

無學監管理名目該縣各校有以一二教員兼任或另設專員者

殊屬不合應即取消續招新生著恪遵高等小學校令第十五條

辦理入校期以每年秋季八月始業為合 部令職教各員尤應

遵章多聘師範畢業生充任合觀該縣各校除縣立第一高等小

學學生二班共一百二十名資格亦合外其餘各班級學生均多

不合兩等小學尤其是該縣國民學校尚未發達畢業學生無多

已可概見徒驚高等之名殊少實際虛糜經費至為可惜著由該

知事督同勸學所所長通盤籌畫分定高等小學學區限制校數

增加班級至少須招足三班迅將現有辦理不合之校酌量合併

並令暫停開高等班專辦國民學校以重根本教育仍將遵辦情

形剋日呈復候核仰即轉令各該校及勸學所遵照此令表存（五月三十一日）

●湖南省長公署令江華縣知事

呈復各學校承領官荒種樹情形由

呈表均悉查撥給官荒山地作為學林原係提倡種植辦法該縣既無多官荒凡屬校有公地儘可推廣不得囿于城廂一隅至種樹簡則指簡明規則而言原費列為簡則表殊屬誤會仰即妥速擬訂並另造表式補呈核奪此令原表發還（六月一日）

●湖南省長公署令湘江道道尹

呈遵查第十三聯合中學生漏列表冊由

呈及底冊均悉該校二年冬季報案原表本公署現無案可稽唐楚英一名既據查明確于二年入校後因書記列表遺漏實屬異常疏忽著將該生歷年所有學業成績及操行分數並該班所有各項表簿逐一查呈到署另候核辦仰即轉令遵照此令底冊暫存（六月一日）

●湖南省長公署令衡陽道道尹

呈轉第五聯合中校遵令更正學生各班次名稱具呈一案請核咨由

呈悉查本署前次訓令各校改正班次名稱一案原定以班為單位計算茲該校誤以招考次數為單位核與前令內載同時招有

教育

數班者亦應酌分先後命名及各該校以前畢業若干班亦可據現有班次所冠之數字推知等語仍屬不符茲將該校第一次所招甲班生及第二次所招乙班生略加解釋以例其餘查該校甲班生李汝梅等一百二十五名想係分甲一甲二兩班教授則甲一班應改名為第一班甲二班應名為第二班第二次所招之乙一乙二乙三班則乙一班應名為第三班乙二班應名為第四班乙三班應名為第五班如此推算庶與前令相符仰即轉令該校查照前令更正再行呈署備案此令（六月一日）

●湖南省長公署令麻陽縣知事

呈復調查五區學警款項情形由

呈悉查前據該知事呈報該縣勸學所長田達道會議來省帶費答復諮詢事項書暨五年縣有區有學警款項表並學警款項支配比較表均經核閱尙屬明晰何以該知事此次呈復該縣五區第二國民學校校長滕久道請劃分學警款項一案輒稱兵燹後案卷毀損成案多無可考語涉兩歧殊為不合查答復諮詢教育經費一項第三條內載縣有地方款項如田賦附加稅契存留畝捐等項作為學警兩項開支約入錢一萬三千零三十八串文學款項下分撥錢六千三百零七千二百文比之警務各佔二成之一至區有款項學警分配多寡不歸一致惟第五區高村商務較繁人煙稠密學警比較學款祇佔五分之一分配似嫌太少附表

十九

呈核又查比較表除縣有學警兩比各得半數外其第一至第三區學警比較數或警款佔五分之三及七分之五惟第四區學款得佔比較數五分之三其收數額以第一城區歲計錢六百四十千文爲多若第五區收數歲計錢一千九百三十八千文附說明民國二年該鄉自治會籌款原案係學警各半現在兩相比較警款佔去五分之四學款日形短絀等語是該校長爭執尙非無因該知事自應督促該高村商會暨警佐學董併該鄉公正團紳等化除意見妥籌議復由該知事秉公查核具報著爲定案但求支配較平原無交換捐款之必要現據呈稱湖南警務處亦已派員調查該縣警費既有糾葛尤應亟予判決俾息紛爭學警均關行政要件該知事責無旁貸毋得意存諉宕致滋事端仰卽遵照辦理仍復候奪切切此令(六月二日)

●湖南省長公署令撫卹調查處

呈轉李翼寰以遺失文憑請轉咨存案給予證券等情具呈一

案由

呈及履歷均悉查前清學署案卷迭經兵燹現已散失無存據稱該生于光緒三十一年畢業公立第一法政學校本公署無卷可稽無從憑信又查公立第一法政前清時並無此項校名究竟該生係由何校畢業應逕向該原校請求將該生在學各項證據調齊費署再行核辦仰飭知照此令履歷存(六月二日)

●湖南省長公署令臨湘縣知事

呈費高小校學生履歷畢業成績報告各表由

呈表均悉惟灘區鄉立第二第三兩校畢業成績表與報告表及員生一覽表同時費呈手續不合本應不准姑念已由該知事派員監試暫予變通准其備案嗣後應卽遵照定章辦理再第二高等小學余松森一名報告表爲崧森又周克發一名報告表爲周克法究竟何表錯誤應速查明呈請更正第三學區鄉立高等小學與灘區鄉立第二第三兩校各表大致尙合惟入校期以每年秋季八月始業爲合 部令職教各員亟應改聘師範畢業生充任以符部令表式大小著遵前頒高等小學各表式辦理以歸一律合觀各校班級學生均少尙無設立高等之必要著該知事督同勸學所通盤籌畫酌量合併令暫停開高等班專辦國民學校以重根本教育仍將遵辦情形具復核奪仰卽轉令各該校及勸學所遵照此令表存(六月二日)

●湖南省長公署令各縣勸學所所長

呈費議決各案由

呈及附件均悉此次召集該所長等會議省垣閱時雖暫而議決各案尙能悉心討論籌畫詳明洵堪嘉許其議決案中如本省長交議案七件尙有應予變通及修改之處業經分別修正令行各道尹各縣知事轉飭所屬遵照辦理擴充各縣教育經費方法案

候令行財政廳妥議具復再行令遵至實行經營教育經費辦法案其劃交保管諸種方法目前能否通行尚須詳加商榷應即另案核辦其餘會員提議案如促辦族學可聽各縣地方察奪情形自行辦理高等小學以上各校添設技術應准通令各縣照行至擴充師範以儲師資案現准省議會咨交議員提議各省立師範學校增設單級研究所案用意正復相同將來即可轉行各校照辦取消私塾案命意甚善目前尚難一律實行自應暫照前行政公署三年所頒取締私塾規程切實辦理總之措置貴乎因時而興革尤須漸進該所長等對於教育經費所議擴充劃交保管三法均係各縣教育急宜注重事件第地方情形各有不同恐行之過蹙終不免于窒礙故不得不詳加商訂以利推行其會議公具意見書候咨請 教育部解釋見復後再行通令各縣轉行知照此令附件存查(六月二日)

●湖南省長公署令武岡縣知事

呈覽私立羣賢國民學校高小校職教員生一覽表請予刊發校印由

呈表均悉應准備案惟查小學校長教員均有管理學生之責且無管理學監名目該校應查照取消入校期以每年秋季八月始業為令 部令職教各員尤應遵章多聘師範畢業生充任校務庶有進步再查該校常費年僅五百二十元合開兩等推廣班級

萬難敷用且查所列各生資格多非國民學校畢業生是合格學生甚少已可概見著候現有學生畢業後暫停招高等班專辦國民學校招足四班以重根本教育仍將遵辦情形具覆備查至請刊鈐記一節高等既將停辦著即改刊國民學校鈐記一顆文曰武岡縣洞口區私立羣賢國民學校鈐記准即隨文刊發轉給祇領仰即轉令遵照此令表存(六月二日)

●湖南省長公署令永綏縣知事

呈報勸學所長赴會並費圖表由

呈及附件均悉查答復書所陳各節尚屬核實詳明足徵該所長平日留心學務深堪嘉許仰仍積極進行以圖發展是所厚望併即轉令遵照此令書圖存(六月四日)

●湖南省長公署令衡陽道道尹

呈遵令查復桂陽縣官紳互詰一案由

據呈查復桂陽縣官紳互詰一案在前救荒事務所坐辦雷澤遠辦理荒賑其收支證據表冊早經陳前知事任內報銷有案惟被劉承基等發駁火食夫馬雜用雖非鯨吞不免浮浪在興賢堂劉承基等管理全縣財產被雷澤遠呈控違法集議虛糜火食錢至四五百串文燈油紙張筆墨雜用帳內另有魚肉支款火食項下另有協和時中九芝堂及特別雜用各款雖劉承基等逐條答辯而不諱簿記浪費鉅款難免物議至前知事因雷澤遠當初有

留陳拒擢之行動未免有所愛憎總之皆由意見水火互控侵吞均無實據等情查雷澤遠前充該縣勸學所長早經取消劉承基業已更換應均免于置議但地方公款絲毫為重仰該道尹訓令該縣知事轉飭嚴加撙節切實劃分併確定管理方法務使廓除積弊一新耳目毋稍瞻徇敷衍是為至要著即遵照此令（六月四日）

●湖南省長公署令保靖縣知事

呈報勸學所長赴會起程日期並費答復書山

呈及答復書均悉查該所長所陳各節尚屬切實惟所擬另籌捐款應由該知事酌量情形呈請核辦外其餘均准照辦再各項細目應逐條答述以清眉目來呈僅分四項似嫌籠統仰即轉令遵照此令書存（六月四日）

●湖南省長公署令省立第二甲種工業

學校籌備員周邦柱

呈遵令將前呈建築工場聘請工程師合同所訂之報酬費妥商酌減

呈悉該校建築工場聘請工程師之報酬費既經遵令雙方商定將合同內第十七條原訂百分之七改作百分之五尚屬可行應予照准仰即知照此令（六月四日）

●湖南省長公署令辰沅道道尹

呈轉費永綏縣立第一高小校三年級生一覽成績各表由

呈均表悉查該校第六班學生畢業期滿未經呈准即自舉行畢業考驗手續不合本應不准姑念該縣地處偏遠又經該縣知事赴校監試暫予變通准其備案嗣後應即遵章辦理又查饒昌齡一名前表為昌林究究何表錯誤應速查明呈請更正又成績表各學科畢業成績分數欄及三學年扣分平均數欄分數均有錯誤著速詳閱 部訂計算分數辦法當可明瞭以後並應特別注意仰即轉令遵照此令表存（六月四日）

●湖南省長公署令留日經理員易象

呈為陳瑾昆懇優給學費由

呈悉陳生瑾昆擬於東京帝國大學法科卒業後就所學門類分別調查以資印證既據該員查明吾湘在法科大學者現無多人陳生復為彼中秀出應准給予旅費一百元以示鼓勵併仰轉飭該生將調查所得編成報告書表呈候考核為要此令（六月四日）

●湖南省長公署令道縣知事

呈取消串券附捐兩項並提畫歸學款糶米小水木捐交紳保存未能解決請核示由

呈悉該縣教育經費既經該田前知事呈明遵照 部章撥歸勸學所經營本公署核准有案該紳等何得復請將指定教育專款

之糶米及小水木捐由勸學所交還保管處如謂或有窒礙該田
前知事主張劃分時何以該紳等又默無一言殊不可解至國地
方財政統一此亦完密手續上關係應由勸學所每年將學款收
支造具預算決算書式分咨保管處查核備案庶形式上雖屬分
離精神上仍屬統一亦互相維繫之辦法并不獨糶米木捐兩款
爲然似此折衷辦理當不致再有爭議仰即遵照辦理切切此令
(六月四日)

●湖南省長公署批寶慶謝維嶽等

呈組織孔道會請准立案由

呈悉孔道經天緯地大莫能載小莫能破天下萬物無一不在其
範圍曲成之中卽或世道陵夷風俗頹敗逾越範圍者誠所不免
然要不過自外生成於日日固無傷也該紳等擬於該縣組織孔
道會無非爲挽回末俗維繫人心起見志趣卓越均堪嘉許惟結
會固可自由矧名義正大何患不唯以成立第恐經費困難必難
持久各縣孔道會忽興忽蹶者數數矣尙其慎之於始毋役虛名
俟組織完善籌定的欸規訂章程再由該縣知事轉呈立案可也
仰即遵照所請令行寶慶縣知事之處應毋庸議書二部存署備
案此批(五月三十一日)



實業

●湖南省長公署咨 省議會

為咨復事前准 貴會咨提議整理公家入股各實業公司并請以後停止官商合辦一案咨署查照等因經本署令飭財政廳查明辦理並令知民一鋸木公司現已准由商人承頂華豐製紙公司業由署委任總副經理即以該廠財產向銀行抵借資金繼續開工去後茲據該廳復稱遵就報告書查核除應追各款另行擬具查追辦法呈請核示外所有經省議會絕對主張收回者計為電燈公司公股洋八萬八千七百元和豐火柴公司公股銀一萬兩麓山玻璃公司公股銀一萬五千四百兩其經省議會主張查明狀況能否收回股本者計為上海通商銀行公股銀一萬兩廳長遂加研究其中有已定辦法可望收回者有尙待清查未能預定者亦有章程確定未易變更者謹據原案為鈞署分晰陳之查電燈公司從前本無公股因辛亥改革之初由商會於領放維持市面款內撥借公款銀五萬兩錢一萬串嗣由該公司呈准撥作公股本息併計依該公司章程出入一律每洋一元作銀六錢八分扣合公股洋八萬八千七百元民國三年以前祇有額息四年年終報告始有紅利五年紅利亦據報告支取存應此為各公股內已獲利益之款現因與光華電燈公司互爭營業業經省會警

實業

察廳會同長沙縣知事呈奉鈞令收歸市有以解糾紛正在清算時期將來可望全數收回并可按照原股黨獲相當之權利應俟該公司清算完竣實行交歸市政公所之後再行查核辦理其和豐火柴公司公股銀一萬兩係前清善後局撥入歷年僅有股息並無紅利前經本廳函致該公司調查營業情形據復開辦之初出貨不良又因水災損失積虧甚巨於光緒末年另加新股接辦尙稱發達現因湖南銀行從前代兌市票交押地皮抵還公股尙在交涉之中俟結束後再行開會報告等語本廳查該公司昔年增加新股公家並未與聞究竟舊虧是否屬實新股何以獨優現正續函該公司迅開股東會議以便審查核辦應俟查有端緒能否收回股本再行酌議具呈其麓山玻璃公司公股銀一萬五千四百兩查該公司於民國四年改組更定章程其第四條規定存在年限為二十年第十二條規定股東入股後不得中途索退股本曾經由廳呈奉前巡按使公署核准備案此時忽議收回似與原章不合此省議會絕對主張收回之款按之事實恐難遽行照辦之情形也此外如上海通商銀行公股銀一萬兩壬子癸丑兩年曾經收過股息以後股息前已令行湖南銀行駐滬匯兌處就近催收現復依議令行該匯兌處處長陳振東查明該行狀況能否收回股本俟據呈復再行核辦本廳綜查以上各項在省議會議決收回股本自係正當之主張無如投資多在從前契約久經

確定其能設法收回者本廳必當依議進行若為事實上所不能則本廳亦未便遽翻定案究應如何解決之處伏候鈞核施行所有遵辦收回各處公股緣由理合呈請察核指令祇遵等情查核所稱公家入股各公司或投資多在從前契約久經確定其能設法收回者當依議進行若為事實上所不能未便遽翻定案等語自屬實情除指令隨時查明情形妥為辦理外相應咨復 貴會請煩查照此咨(六月二日)

●湖南省長公署令水利分局

案據華容縣知事何揚烈呈稱案據屬縣注滋區業戶王鎮嵩楊顯禎鄒元坤彭益壽王曙初吳士友劉克篤傅青雲張清慎羅永典等稟稱為違築築河以隣為壑迫懇轉詳飭例事竊南華界河為北水入湖之捷徑尤屬隣近各坑出水之要道歷經省委勘定錫名南華界河已鑄鐵案去年南縣李紹榮段修丙等創挽光復坑時前水利分局長魏奉前巡按使沈飭令查勘該坑可否修築有無妨害河道等因該坑首等曾出具不塞界河俾資隣坑消洩切結並經鎮嵩等以一築四害等情陳請魏局長沐批光復坑東堤循永富坑東堤兩下至豐成坑與合美坑釘頭處掘去釘頭橫堤俾南華界河之水順勢南流入湖現經該坑議決已成為一定不易之辦法此坑堤隨水道曲折而南原與縣界不相涉該業戶等所呈一築四害各節但使南華界河不堵塞而諸害自除仰各

安土樂業毋庸過慮等因各在案詎該坑首等乘華容土匪猖獗之時將界河築塞幸客歲北水尙小坑堤無妨而內漬難消已受其害若江水大漲高等各坑必致破壞且上游扁擔河現今冲開南縣水勢東灌注河來源既增則界河尤宜極力開通以資流暢設不創毀勢必泛溢為害甚巨嵩等為生命財產所關斷不能束手待斃為此繪圖據情呈懇核轉飭令創毀以便水利而除巨害等情前來復據公民胡安邦宗惟寅黃人份朱益元楊椿年張寶賢賀冕劉承祐等稟稱為築河妨害公懇詳例事竊南華界河為兩縣分界綫前經省委魏景熊勘定南華界案詳請巡按使飭令兩縣會同開通以便水利而定縣界在案茲南縣人民創挽光復坑強築界河一為水道之妨害一為界案之妨害妨害水道則有礙下游一帶坑堤及隣近各坑出水妨害界案則兩縣奸民移界佔洲發生種種糾葛是一河築而諸害並生安等為兩縣公益一方水利起見為此公懇核轉查據原案委員會同兩縣勘明創毀築壩疏通河道實為公便等情據此復經知事查明築河實有妨害水利理合據情備文呈請鈞署察核令行水利分局委員赴縣會勘勸令創毀至為公便等情據此除指令呈悉據稱南華縣界歷經省委勘定名南華界河去年南縣李紹榮等創挽光復坑時前水利分局長魏奉前巡按使沈飭令查勘該坑可否修築有無妨害水道等因該坑首等曾出具不塞界河俾資隣坑消洩切結

等語兩縣人民自應各遵原案以免紛爭南縣創挽光復堤岸否
強築界河於水道縣界有無妨害仰候令行水利分局會縣查案
勘明復候核奪此令等因印發外合行令仰該局長即便會同南
華兩縣知事查勘具復以憑核奪並由局轉各該縣知事知照此
令(六月一日)

●湖南省長公署令 水利分局 沅江知事

沅江縣 模範桑園籌備員龍臣虞呈稱案奉鈞署實字第一
案據該縣 模範桑園籌備員龍臣虞呈稱案奉鈞署實字第一

六五二號訓令開案查沅江金盆北洲前據委員江海宗查明該
處地浮於照第一段積慶堤以五二弓計算多修官地四百零九
畝九分一釐第二段自謝培德堂起至德馨堂止除去照載畝數
東面餘官荒五百餘弓等情當經令飭水利分局將此項餘荒及
多修官地收歸局管由局查照沿湖熟田計畝辦法應否以五二
弓計算切實劃分呈報查核在案現在本署委任該員在沅江縣
和東堤內公產地方籌辦模範桑園就公產之收入作該園之開
支該金盆北洲第一段積慶堤多修官地及第二段東面所餘官
荒應一併撥交該桑園籌辦員接收管理分別發佃所收租金另
款存儲如該園開支實有不敷或須擴張推廣時再行呈候核准
動用除分令外合行令仰該員即便遵照辦理仍將遵辦情形具
報查核此令等因奉此委員遵即於五月二日會商沅江縣知事

吳面請水利分局局長鄒馳赴該洲察看情形切實劃分以便接
收管理比經鄒局長委令技士陳宗淑遵照訓令所指地段會同
委員限同扞劃查該洲第一段積慶堤係五六七起合修之堤前
據鈞署委員江海宗呈報該堤由西至東共橫線一千九百二十
四弓由南至北之衝脚共丈量五線總計以五二弓計算共八千
三百四十八畝七分六釐內除湖港四百三十八畝八分五釐尚
有正畝七千九百零九畝九分一釐除該堤照載橫廣一千五百
弓計淨田應修七千五百畝外尚多修官地四百零九畝九分一
釐業經丈量在案陳技士祇按照多修官地數目從第七起之末
如數扞劃作為官地內有溝渠港蕩應加三十畝共計官地所佔
之處為四百三十九畝九分一釐所定界綫因官地截斷第七起
之末東南北三面均有堤堤圍繞毋庸另立界址故僅由南北衝
脚劃一直綫南自南堤王玉文住宅西建牆脚處立標為界北抵
北堤李三玉堂之佃戶龔永亭家向東丈過五十弓處立標為界
西面即與李三玉堂所管田畝相連接也又查第二段自謝培德
堂起至官荒之處止西北東三面蘆高丈餘殊難著手計劃陳技
士祇得仍照前江委員丈法爰借第一段之橫廣以證第二段之
橫弓即由第一段積慶堤西堤堤脚處起丈沿其北堤之脚東向
而行以五二弓橫量二千二百一十四弓內除自謝培德堂起至
德馨堂止據照載一千五百一十弓及南金湖有水之處寬約一

百二十四弓並堤身保障等按照墾章應扣八十弓外其餘五百弓卽并劃作爲官荒此外東抵河邊尙有餘荒數十弓就地勢言之應屬第二段範圍內之官荒未奉訓令不敢妄自接收所定官荒界綫西接德馨堂照業東抵同慶坑東堤南接積慶坑北堤北抵儀儀堂照業在西面界址因蘆葦叢生不能作若何劃分祇得就積慶坑北堤曹玉南住宅向東丈過五十弓之潰口泥蕩處立標爲界東面卽以同慶坑東南角堤脚處立標爲界其南北衝脚每弓以五畝爲率因蘆葦叢過高不便丈量立標似此并劃則官荒所佔之處正在德馨堂等新修之同慶坑東面堤內則德馨堂等所管照業自應依次移接官荒之西至儀儀堂照業既註載第二段之北東面沿河第一起所謂第二段之北者卽指官荒之北自應按照官荒之北管業此陳技士劃分該洲第一二段溢畝官荒之實在情形也委員均經限同丈量按界接收除將劃分界址情形與陳技士會銜呈報水利分局並單行函知沅江縣署外理合將限同并劃及接收各實情備文呈請鈞署察核備案抑委員尤有呈請者本園經費全賴公產之收入作園內之開支該洲第一二段溢畝官荒既經接收自應分別發佃以便管理而資挹注惟該洲人民率多愚玩委員接收之時業將第一段積慶坑內田畝促其暫行轉佃免荒農事然該佃民等多有不聽從者其中原因故屬佃民之無識亦未始非佔有業主阻梗之故似此情形

殊於本園籌辦進行大有妨礙業經函請沅江縣署出示誥誡在案如再有阻滯及抗命情節發生應請嚴拏究治可否再由鈞署嚴示曉諭之處懇乞批示祇遵至第二段官荒常例祇收蘆葦現正由德馨堂等修理堤坑俟堤告成當作租田發佃惟修理堤應派費用甚巨現正會商該縣知事俟妥籌辦法再行呈請鈞署察核施行所有分別發佃及收租情形容當詳報合先聲明等情據此除指令呈悉查金盆北洲前據江委員查明第一段積慶坑以五二弓計算多修官地四百零九畝九分一釐第二段自謝培德堂起至德馨堂止除去照載畝數東西餘官荒五百餘弓等語該處多修官地及所餘官荒業飭撥歸該籌備員接收管理該積慶坑爲五六七起合修之坑濱湖熟田計畝查係以四八弓計算前此江委員以五二弓計算現陳技士復祇從第七起之末如數并劃殊欠詳盡應由該員會同水利分局及縣知事仍查明熟田計畝弓數從五起至七起依次丈量除去照載畝數多修官地統行劃出其第二段除去謝培德堂至德馨堂止照載一千五百一十弓此外純係官地該段南金湖有水之處實寬若干弓所稱修理堤坑當係蕭心齋等現修之坑查蕭心齋等修坑不候勘定界址竟爾單修他人照業及官有地畝殊爲悖謬應將多修地畝并出至堤身保障該員等扣去八十弓調查濱湖扣除堤身保障等辦法並不須弓數如是之多併應由該員會同局縣比照該洲

畝數東抵河邊其餘地畝若干應全數撥歸該員管理以昭實在除令知水利分局及沅江縣知事外仰即妥速分別遵辦詳明具復以憑核奪毋稍忽延此令印發並分令外合行仰該局局長即便遵照辦理此令(五月三十一日)

●湖南省長公署令湘江道道尹

案查前據劉清安等呈請修復湘陰樂民坑一案經水利分局勘復係屬舊圍稱經批飭取得大多數同意證明著予承修嗣由署令局會同湘陰縣知事會銜佈告該處老業各戶限定日期赴縣呈驗契據加蓋戳記登載清冊驗契完畢即令舉出代表由局縣督同擬定修坑章程凡關於集合款項派分田畝及其他一應事宜均應明白規定務得其平未經核定章程以前不得遽行興工各在案茲據該局縣會呈稱會驗樂民坑契據劉清安等方面確係多數等情正核辦間據李維藩等以枉法朦朧等詞來署具控應再派大員前往查明以昭詳慎合仰該道尹即便親往湘陰復加查驗決定承修之後即由道縣督同擬定修坑章程連同老業各戶姓名清冊呈報查核並分別咨令知照此令(五月三十一日)

●湖南省長公署令模範勸工場

案准 農商部咨開案查本部辦理統一權度事宜節經擬具推

實業

日起京師市內所用舊器業經分期收集一律更換新器此後逐件推廣以次及於各省區縣治以期普及全國便利商民茲先檢齊權度標準器全份連同價目表等咨送貴省長查收備用並希將原價如數繳部可也等因准此查此項新器原欲推行各省區縣治該場附設有商品陳列所應即發交陳列以備商民觀覽本署需用時仍隨時提取除咨復外合行檢發標準器並證書三紙令仰該場長即便查收遵照此令(五月三十一日)

●湖南省長公署令綏寧縣知事

案據礦務總理蕭仲祁協理余煥東王猷呈稱案查接管卷內前官鑛署於五年五月收買綏寧縣銅場界銅鑛係郭君人漳代表福利公司立契完全出售本局於是年八月委員許崇周等前往查勘接收據該委員等抵山後來函報告該山主張姓及前六合大成公司股友均稱福利公司手續未清各持異議旋奉鈞署訓令據靖縣知事梁以麟電轉行下局並准財政廳轉咨前來本局當以郭君原立契約載明以前有無股分膠轄不清由出筆人理落不與受業人相干本局無權解決咨復財政廳並電告靖縣知事去後嗣又有孫華堂彭述琛等函陳意見山主張黃氏迭呈控訴盜賣等情各在卷內郭君等稱維本局既以巨款收買該鑛當及時查勘規畫著手開辦如前福利公司對於山主股友各方面尚

有未了轉構應催該公司代表人從速處分結束以利進行除由本局逕函郭君人漳外理合呈請鈞署察核主持辦理以清轉轄而維鑛政至爲公便等情據此除指令呈悉該局前收買綏寧福利公司銅鑛係郭紳人出筆原立契約載明以前有無股分轉轄不清由出筆人理落不與受業人相干等語當然由郭紳負完全責任張黃氏等如有他項轉轄自應逕向郭紳交涉公家以巨款收買該鑛豈容藉詞阻撓久不開辦除令綏寧知事轉飭張黃氏等遵照外仰再函知郭紳迅日了結一面由局派人前往妥籌開辦以重公鑛毋稍稽延爲要此令印發外合行令仰該知事即便轉飭遵照此令(六月一日)

●湖南省長公署令各縣知事

查茶業向爲湖南出口大宗邇因種植不良焙製乏術以致銷路日形退縮卽應督勸人民將種樹採摘各法切實研究並加關山地廣種茶樹此外焙製裝潢諸項均應力圖精進以期推廣業務增進大利本署現已就嶽麓山地方開辦茶業講習所招致各縣學生授以關於茶業上必須之知識技能免收學費畢業以後分途傳習學額共一百二十名由該所考取六十名餘由各縣考送其產茶較多之縣得酌量增送但不得過五名該所自七月一日起開始報名七月三十一日截止各縣考送學生應限於七月三十一日以前赴所報到聽候覆試據該所所長楊景輝呈費簡章

廣告請通令各縣分途張貼並照章考取學生咨送覆試前來除分令外合行檢同費件令仰該知事即便派人分途張貼務須如期考取學生送所覆試事關振興茶業毋稍忽延仍將所送學生姓名造冊報署查考此令(六月一日)

湖南公立茶業講習所簡章

第一章 總綱

第一條 本所遵照農商部所屬各種講習所規程辦理教授關於茶業上必須之知識技能以改良種植製法爲宗旨

第二條 本所學額暫定一百二十名分兩班教授由本所考取合格學生六十名餘由各縣考送其產茶較多之縣得酌量增送但不得過五名

第三條 本所修業期爲二年

第二章 學科課程及教授時間

第四條 本所學科課程及教授時間表列於後但依實習之便得臨時增減之

課程表